

醫

宗

必

讀

宛委山莊重校醫宗必讀卷之六

雲間李中梓士材父著

門人朱天定道力父叅  
姪孫李廷芳蘅伯父訂

真中風

靈樞經曰虛邪偏客於身半其入深者內居營衛營衛衰則真

氣去邪氣獨留發爲偏枯此言邪氣深也其邪氣淺者脉偏痛此

邪氣淺而中府又曰痲之爲病也身無痛者四肢不收志亂不

甚其言微知可治甚則不能言不可治也此亦言中藏之證其

以志不甚亂微能言者可治若偏枯身偏不用而痛言不變志

志亂而不能言則不可治矣偏枯身偏不用而痛言不變志

不亂病在分腠之間巨針取之益其不足損其有餘乃可復也

此亦言中府之證肢體必痛且能言而神氣精明淺而可復也

愚按中風者言爲風邪所中其受病重非若傷風之輕也風是

四時八方之氣常以冬至之日自坎而起候其八方之風從其鄉來者主長養萬物若不從其鄉來者名爲虛賊風害萬物體虛者則中之當時未必卽發重感風邪病遂發焉藏府有俞俞皆在背中風多從俞入者也而有中腑中藏中血脉之分中府者其病在表多着四肢故肢節廢脉浮惡風拘急不仁外有六經之形證太陽經證頭疼身熱脊強陽明經證目痛鼻乾不得自利咽乾少陰經證舌乾口苦太陰經證腹滿口燥厥陰經證煩滿囊縮以小續命湯及疎風湯汗之中藏者其病在裏多滯九竅故唇緩二便閉脾不能言心耳聾腎鼻塞肺目瞤脾以三化湯及麻仁丸下之中血脉者病在半表半裏外無六經之證內無二便之閉但見口眼喎斜半身作痛不可過汗恐虛其衛不可大下恐損其營惟當養血順氣以大秦丸湯羌活愈風湯和之中府者多兼中藏如左關脉浮弦面目青

左脇痛筋脉拘急目瞤頭眩手足不收坐踞不得此中膽兼  
中肝也用犀角散左寸脉浮洪面赤汗多惡風心神顛倒語言  
蹇澁舌強口乾忪悸恍惚此中胞絡兼中心也加味牛黃散右  
關脉浮緩或浮大面黃汗多惡風口喎語澁身重怠惰嗜卧肌  
膚不仁皮肉瞤動腹脹不食此中胃兼中脾也防風散右寸脉  
浮濇而短鼻流清涕面白多喘胸中胃悶短氣自汗聲嘶四肢  
痿弱此中大腸兼中肺也五味子湯左尺脉浮滑面目黧黑腰  
脊痛引小腹不能俛仰兩耳虛鳴骨節疼痛足痿善恐此中膀  
胱兼中腎也獨活散此皆言真中風也而有氣血之分焉氣虛  
者右手足不仁用六君子加鉤藤薑汁血虛者左手足不仁四  
物湯加鉤藤竹瀝薑汁氣血俱虛者左右手皆不仁八珍湯加  
鉤藤竹瀝薑汁凡中風昏倒先須順氣然後治風用竹瀝薑

汁調蘇合香丸如口噤挾開灌之如挾不開急用牙皂生半夏  
細辛爲細末吹入鼻內有嚏可治無嚏則死最要分別閉與脫  
二證明白如牙關緊閉兩手握固卽是閉證用蘇合香丸或三  
生飲之類開之若口開心絕手撒脾絕眼合肝絕遺尿腎絕聲  
如鼾肺絕卽是脫證更有吐沫直視肉脫筋骨痛髮直搖頭宜  
大劑理中湯灌之及炙臍下雖曰不治亦可救十中之一若誤  
服蘇合香丸牛黃至寶之類卽不可救矣蓋斬關奪門之將原  
爲閉證設若施之脫證如人旣入井而又下之石也世人蹈此  
弊而死者不可勝數故特表而出之惟中藏之證是閉而非脫  
寶丹活命金丹之類若中府與中血脉之證斷不宜用爲內有  
麝香入脾治肉牛黃入肝治筋龍腦入腎治骨恐反引風邪深  
入骨髓如油入  
麵莫之能出

角弓反張陰陽經絡周環於身風氣乘虛入於諸陽之經則腰

背反折，急如角弓之狀，宜小續命湯。

有汗不惡寒，口柔，瘧無汗惡寒，口剛，瘧。

口噤，手三陽之筋結入於頤頰，足陽明之筋上夾於口。風寒乘虛入其筋，則攣故令牙關急而口噤也。秦芫升麻湯。用甘草二段，每段長一寸，炭火上塗麻油炙乾，挾開牙關，令咬定，約人行十里許，又喚甘草一段，然後灌藥，極效。或以蘇合香丸擦牙，或南星冰片擦之。

不語，脾脉絡胃夾咽，連舌本，散舌下。心之別脉系舌本。心脾受風，故舌強不語。亦有因腎脉不上循喉嚨，挾舌本者。喉嚨者，氣之所以上下會厭者，音聲之戶。舌者，聲之機，唇者，聲之扇。風寒客於會厭，故卒然無音。若因痰迷心竅，當清心火。若因濕痰當清脾熱。若因風熱當清肝火。若因風痰當導痰涎。若因虛火上炎，當壯水之主。若因虛寒厥逆，當益火之原。神仙解語丹，療痰。

湯加味轉舌膏八味丸隨證選用 取龜尿少許點舌神效

于新荷葉上以猪  
鬃鼻內戳之立出

手足不隨肌膚盡痛諸陽之經皆起於手足而循行於身體風寒客於肌膚始為痺復傷陽經隨其虛處而停滯與血氣相搏故風痺而手足不隨 實者脾土太過當瀉其濕虛者脾土不足當補其氣血枯筋急者四物湯木旺風淫者四物湯加鉤藤秦艽防風痰多者六君子加秦艽天麻竹瀝薑汁

自汗風多者桂枝湯若表虛者玉屏風散陽氣虛者耆附湯若兼盜汗者補中益氣送六味地黃丸或當歸六黃湯

半身不遂譬如樹木或有一邊津液不陰注而枝葉偏枯故知偏枯一證皆由氣血不周經曰風氣通於肝風搏則熱盛熱盛則水乾水乾則氣不榮精乃亡此風病之所由作也故曰治風

先治血行風自滅古方有順風勻氣散虎骨散虎脰骨酒外用蠶沙二石分作三袋蒸熱着患處冷再易以瘥爲度內用羊脂入粳米葱白薑椒豉煮熟日食一具十日止大效

口眼喎斜多屬胃土而有筋脉之分經云足之陽明手之太陽筋急則口目爲僻背急不能卒視此胃土之筋病也又云足陽明之脉挾口環唇此胃土之脉爲病也口目常動故風主焉先耳鼻常靜故風息焉先燒皂角薰之以逐外邪次燒乳香薰之以順血脉酒煎桂枝取汁一碗軟布浸收左喎搦右右喎搦左服清陽湯秦艽升麻湯或二方合用外感加葱白

小便不利中風小便不利不可以藥利之自汗則津液外亡小便自少清熱止汗小便自行也

遺尿多屬氣虛宜參耆湯少加益智頻頻服之



多食風木盛則尅脾脾受尅求助於食當瀉肝理風以安脾脾安則食自如常也

痰涎壅盛宜用吐法稀涎散或橘紅一片逆流水七碗煎至二碗頓服白湯導之吐痰之聖藥也二陳湯星香散加竹瀝薑汁虛者六君子同星香散脉沉伏無熱者三生飲加全蝎一個養正丹可以墜下痰涎鎮安元氣肥人多中氣盛於外而歉於內人肥必氣急而肺盛肺金尅肝木故痰盛治法以理氣爲急身痛中府者多身痛爲風氣所束經脉不和宜鐵彈丸虛寒者十味劉散

昏冒心神不足痰滯於心胞絡宜至寶丹或牛黃清心丸

豫防中風寶鑑云凡大指次指麻木或不用者三年內有中風之患宜服愈風湯大麻丸薛立齋云豫防者當養氣血節飲食

戒七情遠幃幙若膠前方適所以招風取中也

脉中風之脉每見沉伏亦有脉隨氣奔指下洪盛者 浮遲者

吉堅大急疾者凶 浮大爲風浮遲爲寒 浮數無熱亦爲風

大爲火 滑爲痰

三生飲 治卒中昏冒口服喝斜半身不遂痰氣上壅或六脉

沉伏或浮盛者並宜服之但脫絕證見者難治

南星生用一兩 川烏去皮生用五錢 生附子五錢 木香二錢五分

每服五錢水二鍾薑十片煎六分服

小續命湯 通治八風五痺痿厥等疾春夏加石膏知母黃芩

秋冬加桂附芍藥

麻黃去節 人參去蘆 黃芩去腐 芍藥炒 甘草炙

川芎 杏仁去皮尖炒 防已 官桂各一兩 防風一兩

醫宗必讀 卷六 真中風

附子炮去五錢

每服五錢水一盞半生薑五片煎一盞服

疎風湯

治表中風邪半身不遂語言微澀

麻黃

去節三兩

杏仁

去皮尖炒

益智仁

各一兩

升麻

各五錢

每服五錢水煎熱服

三化湯

厚朴

薑炒

大黃

枳實

麩炒

羌活

各三錢

水二碗急火煎至一碗服

麻仁丸

厚朴

去皮薑汁炒

芍藥

炒

枳實

麩炒各四兩

大黃

蒸焙八兩

麻仁

別研二兩

杏仁

去皮尖炒三兩

爲末蜜丸梧子大每服三錢溫水下

大秦羌湯

秦羌

石膏

各一錢

甘草

炙

川芎

當歸

芍藥炒

羌活

獨活

防風

黃芩炒

白朮土炒

白芷

茯苓

生地黄

熟地各五

細辛三分

水煎服天寒加生薑五片春夏加知母一兩

羌活愈風湯

治肝腎虛筋弱語言難持神昏憤或肢體偏枯多思健忘

羌活

甘草炙

防風

黃耆蜜炙

蔓荊子

川芎

獨活

細辛

枳殼炒

麻黃去根

地骨皮

人參

知母酒炒

甘菊花去蒂薄荷葉

白芷

枸杞子

當歸

杜仲炒

秦艽

柴胡

半夏製

厚朴薑汁炒

前胡

熟地黄各三

白茯苓

黃芩各三

生地黄

蒼朮炒

石膏

芍藥各四

官桂一兩

每服一兩水煎服大寒之後加半夏人參柴胡木通迎而奪

少陽之氣也穀雨之後加石膏黃芩知母迎而奪陽明之氣也季夏加防己白朮茯苓勝脾土之溼也大暑之後加厚朴藿香桂迎而奪太陰之氣也霜降之後加當歸桂附勝少陰之氣也

天麻丸 熱勝則風動宜靜是養血也宜和是行營衛壯筋骨也非大藥不能治

附子一兩

天麻

酒浸三宿

牛膝

酒浸一宿

草薢

另研

玄參

各六兩

杜仲

七兩炒去絲

當歸

十兩全用

生地黃

十六兩

羌活

十兩

獨活

五兩

右爲末煉蜜丸桐子大每服五錢空心白湯下服藥後飢則食不飢且止大忌壅塞

犀角散

治肝中風流注四肢上攻頭面疼痛言語謇澁上焦

風熱口眼喎斜腳膝軟痛

羌活去蘆

羚羊角各七錢

犀角

石膏各一兩 人參去蘆

甘菊花

獨活去蘆

黃耆

川芎

白朮土炒

黃芩

天麻

枳殼去穰 炒

常歸去蘆

酸棗仁炒

防風去蘆

白芷各五錢

甘草炙 二錢半

每服五錢水一盞生薑五片煎服

牛黃散 治心藏中風恍惚恐懼悶亂不得睡卧語言錯亂

牛黃另研

麝香另研

犀角

羚羊角

龍齒另研

防風

天麻煨

獨活

人參

沙參

茯神去木

川升麻

甘草炙

白鮮皮

遠志去木

天竺黃

各二錢半 龍腦一錢

硃砂水飛

鐵粉另研

麥門冬各五錢

爲細末研令勻每服二錢麥門冬湯下

防風散 治脾藏中風手足綏弱舌強語澁胸膈煩悶志意恍

惚身體沉重

防風

麻黃 去節

人參

川芎

附子 炮去

桂心

黃耆 去蘆

赤茯苓 去皮

酸棗仁 炒

白朮 炒

獨活

去蘆

桑白皮 炙

羚羊角

各七錢半

甘草 炙五錢

每服四錢水一盞薑五片煎服

五味子湯

治肺藏中風多汗惡風時咳短氣晝寢夜甚偃卧

胸滿息促鼻兩邊下至口上至眉色白急炙肺膈百壯若色

黃其肺已化為血不治

五味子

杏仁 炒去

桂心 各五錢

防風

甘草 炙

赤芍藥

川芎 各一兩

川椒 二錢半

每服五錢水二盞煎至一盞服

獨活散

治腎藏中風腰脊疼痛腳冷痺弱頭昏耳聾語音渾

濁四肢沉重

獨活

附子

當歸

防風

天麻

桂心

各一兩

川芎

甘菊花

枳殼

山茱萸

黃耆

酒炒

丹參

牛膝

酒浸

甘草

炙

細辛去苗

菖蒲

白朮

草薢

各五錢

每服四錢水一盞半生薑五片煎服

四君子湯

治氣虛脉弱

人參

白朮

茯苓

甘草

各等分

水煎服加陳皮名異功散加橘紅半夏名六君子湯

四物湯

滋陰補血

熟地黃

川芎

芍藥

當歸

各等分

水煎服四物四君子兩方合用名八珍湯更加黃耆肉桂



名十全大補湯肉桂芍藥甘草小建中湯也黃耆肉桂芍藥甘草卽黃耆建中湯也半夏橘紅茯苓甘草卽二陳湯附子理中湯治脾胃冷弱心腹疼痛嘔吐瀉利霍亂轉筋體冷微汗手足厥冷心下逆冷腹中雷鳴虛寒之證並皆治之人參炮附子炮乾薑炒甘草炒白朮各等分水煎服

蘇合香丸治傳屍骨蒸疰忤鬼氣卒心痛霍亂吐利時氣鬼

魅瘴瘧疫痢瘵血月閉疰癰丁腫驚癇中風中氣痰厥昏迷

白朮青木香犀角香附炒去毛硃砂水飛

訶黎勒煨取皮檀香安息香酒熬膏沉香麝香

丁香華撥各一兩龍腦薰陸香別研蘇合香各一兩

右爲細末研藥勻用安息香膏并蘇合香油煉蜜和劑

如彈子大以蠟固緋絹當心帶之一切邪神不敢近

至寶丹 治中風不語中惡氣絕中諸物毒疫毒瘴毒蠱毒產

後血暈口鼻血出惡血攻心煩躁氣喘吐逆難產悶亂死胎

不下並用童便薑汁磨服又療心肺積熱嘔吐邪氣攻心大

腸風秘神魂恍惚頭目昏眩眠睡不安唇口乾燥傷寒譫語

人參 天竺黃 犀角 株砂 水飛雄黃水

琥珀 琥珀各一 麝香 龍腦各二分

金箔 半入藥銀箔十片 牛黃 天南星各五

安息香 一兩五錢為末無灰酒攪澄飛過  
去沙土約得淨數一兩火熬成膏

右為細末將安息香膏重湯煮烱入諸藥中和攪成劑丸

如龍眼核大人參湯磨服

牛黃清心丸 治諸風緩縱不隨語言謇澁怔忡健忘頭目眩

胃胸中煩鬱痰涎壅塞精神昏憤心氣不足神志不定驚恐  
怕怖悲憂慘感虛煩少睡喜怒無時癲狂昏亂

白芍藥 麥門冬 去心 黃芩 當歸 防風

白朮 各一兩半 柴胡 桔梗 芎藭 白茯苓

杏仁 去皮尖雙仁炒黃別神麴 蒲黃 人參 各二兩半

羚羊角 麝香 龍腦 各一兩 甘草 炒五兩 肉桂

大豆黃卷 碎炒 阿膠 碎炒 各二兩 白斂 乾薑 炮各七錢五分

牛黃 二錢 犀角 二兩 雄黃 水飛八錢 乾山藥 七兩

金箔 一千二百枚 大棗 一百枚 蒸研膏

右除棗杏仁金箔犀角羚羊角牛黃雄黃腦麝外為細末  
入餘藥和勻煉蜜與棗膏為丸每丸一錢即於內分金箔

四百片為衣溫水化服

養正丹一名來復丹一名黑錫丹一名三和丹治上盛下虛內寒外熱及伏暑泄

瀉如水

硝石一兩同硫黃為末入磁碟內微火炒柳條攪火不可太過恐傷藥力再研極細名二氣末

太陰玄精石飛船上硫黃各一兩五靈脂沙晒乾

青皮去白各陳皮去白各

右用五靈脂青皮陳皮為末次入玄精石末及前二氣末拌勻好醋打糊為丸豌豆大每服三十丸空心米飲下

稀涎散 治中風口噤單蛾雙蛾

江子仁六粒每粒分作兩半牙皂三錢明礬一兩

右先將礬化開卻入二味攪勻待礬枯為末每用三分吹入諸病皆愈痰涎壅盛者燈心湯下五分在喉者即吐在膈者即下

星香湯 治中風痰盛服熱藥不得者

南星 四錢 木香 五分 水一盞薑十片煎七分服

藿香正氣散 治傷寒頭痛憎寒壯熱或感濕氣霍亂吐瀉伏

暑吐瀉轉筋 加香薷扁豆黃連名藿藿湯

大腹皮 洗 白芷 茯苓 紫蘇 藿香 各一錢

厚朴 薑汁炒 白朮 土炒 陳皮 去白 桔梗 半夏 各七分

甘草 四分 生薑三片棗一枚煎服

清陽湯 治口眼喎斜頭顙緊急胃中火盛汗不出而小便數

黃耆 當歸身 升麻 各二錢 葛根 一錢五分 甘草 炙

紅花 黃藥 桂枝 各一錢 蘇木 生甘草 各五分

酒三盞煎一盞服炒香附熨摩緊急處即愈

秦芫升麻湯 治口眼喎斜四肢拘急惡風寒

升麻

葛根

甘草炙

芍藥

人參各五錢

秦芫

白芷

防風

桂枝各三錢

每服一兩水二盞葱白三莖煎一盞服

順風勻氣散

治中風半身不遂口眼喎斜

白朮二錢

人參

天麻各五錢

沉香

白芷

紫蘇

木瓜

青皮

甘草炙各五分烏藥一錢

生薑三片水煎服

虎骨散

治半身不遂肌肉乾瘦為偏枯忌用麻黃發汗此方

潤筋去風

當歸二兩

赤芍藥

續斷

白朮土炒藥本

虎骨

各一兩

烏蛇肉

五錢

右為末每服二錢食後溫酒調下骨中煩疼加生地黃一

兩藏寒自利加天雄五錢

虎脰骨酒

石解去根

石楠葉

防風

虎脰骨酥炙茵芋葉

杜仲炒

川牛膝

川芎

狗脊煨去毛當歸

續斷

巴戟去心各一兩

右剉以酒一斗漬十日每熱服一碗

地黃飲子

治舌瘡不能言足廢不能行腎虛弱其氣厥不至

舌下

熟地黃

巴戟去心

山茱萸

肉蓯蓉酒浸

石解

附子炮

五味子

白茯苓

菖蒲

遠志去心

官桂

麥門冬去心各五分

薑五片棗二枚薄荷七葉水二盞煎八分服

滌痰湯 治中風痰迷心竅舌強不能言

南星薑製二錢 半夏湯洗七次二錢 枳實炒

橘紅二分 石菖蒲

人參各八分 竹茹六分 甘草三分

茯苓一錢

水二鍾生薑五片煎一鍾食後服

加味轉舌膏

連翹 遠志去木 薄荷

柿霜各一兩 菖蒲六錢

梔子炒 防風 桔梗

黃芩酒炒 玄明粉

甘草 酒大黃各五錢 犀角

川芎各三錢

右為末煉蜜丸彈子大硃砂五錢為衣食後臨臥薄荷湯

送下一丸

鐵彈丸 治中風昏憤口噤直視痰涎口眼喎斜涎潮語澀筋

攣骨痛癱瘓偏枯或麻木或瘡癢此藥極止疼痛通經絡活



血脉

乳香

另研

沒藥

另研

川烏頭

一兩

五錢

五靈脂

四兩

淨

麝香

一錢

先將乳香沒藥陰涼處細研次入麝香次入藥再研勻滴水

和丸如彈子大每服一丸食後臨臥薄荷酒磨服

十味劉散

治中風血弱筋骨疼痛舉動艱難

附子

三兩

黃耆

炙

白芍藥

各二兩

當歸

各二兩

川芎

防風

各一兩

白朮

五錢

肉桂

一兩

茯苓

各七錢半

熟地

各七錢半

每服四錢水一碗薑八片棗三枚煎六分臨臥服

醫案

徽商汪華泉忽然昏仆遺尿手撒汗出如珠眾皆以絕證既見決無生理余曰手撒脾絕遺尿腎絕法在不治惟大進參附或

冀萬一遂以人參三兩熟附五錢煎濃灌下至晝而汗減復煎人參二兩者尤附各五錢是夜服盡身體稍稍能動再以參附膏加生薑竹瀝薑許連進三日神氣漸爽嗣後以理中補中等湯調養二百日而安

延平太守唐東瀛多鬱多思又爲府事勞神昏胃痰壅口喎語澁四肢不隨時欲悲泣脉大而軟此脾肺氣虛風在經絡余以補中益氣去黃耆加秦艽防風天麻半夏十劑證減二三更加竹瀝薑汁倍用人參兼與八味丸兩月乃愈

燕邸張可眞自遠方歸忽中風昏冒牙關緊閉先以牙皂末取嚏次以筋挾開灌蘇合丸二丸後以防風散投之連進三服出汗如洗此邪自外解去麻黃獨活羚羊角加秦艽半夏膽星鈎藤薑汁十劑痰清神爽服六君子加竹瀝薑汁鈎藤六十日痊

吳門太史姚現聞中風皆憤語言不出面赤時笑是心藏中風也乙亥孟秋延余診之六部皆得石脉余歸謂唐名必曰石者冬令之脉也新秋見之非其時矣其象先見於非時當其時豈能再見耶果至冬月而歿

錢台石年近六旬昏昏不能言鼻塞二便閉此心肺二藏中風也服順氣疎風化痰之劑已瀕於危矣比余診之六脉洪大按之搏指乃至虛反有盛候也宜補中爲主佐以祛風化痰方可回生舉家惶懼兩日不決余瞑目而呼曰今日無藥則斃矣若服參而病進余一人獨任其咎乃以大劑補中益氣加秦芫鉤藤防風竹瀝再劑而神爽加減調治五十日始愈

類中風

火中

虛中

濕中

寒中

類中風者有類乎中風實非中風也或以風爲他證或以他證

爲風投治混淆傷生必矣茲以相類之證八種總彙於此使學者臨證洞然也

火中河間曰癰瘕者非肝木之風亦非外中於風良由將息失宜心火暴甚熱氣拂鬱心神昏冒筋骨不用卒倒無知因喜怒悲愁恐五志過極皆爲熱甚也心火盛者涼膈散肝火動者小柴胡湯水虛火炎者六味地黃丸痰多者貝母瓜蒌散涼膈散見真中風

小柴胡湯 治肝膽有熱往來寒熱

柴胡

一錢六分

黃芩

人參

半夏

各八分

生薑三片

大棗

三枚

甘草

四分

水煎溫服

六味地黃丸 治腎水不足發熱作渴小便淋閉氣壅痰嗽頭

目眩暈眼花耳聾咽乾齒動腰腿痿軟便血吐血盜汗失音

水泛爲痰

熟地黃

八兩  
林膏

山茱萸肉

乾山藥

各四兩

牡丹皮 白茯苓

澤瀉

各三兩

右爲末和地黃膏加煉蜜丸如桐子大每服五錢空心食前滾湯下

貝母瓜蒌散

治痰多口眼喎斜手足麻痺

貝母

去心

瓜蒌

南星

泡

荊芥

防風

羌活

黃芩

炒

黃芩

炒

黃連

炒

白朮

土炒

陳皮

去白

半夏

湯泡  
七次

薄荷

甘草

炙

威靈仙

天化粉

各五

水二鍾

薑三片

煎八分

至夜服

虛中東垣以卒倒昏愊皆屬氣虛過於勞役耗損真元脾胃虛衰痰生氣壅宜六君子湯虛而下陷者補中益氣湯因於房勞

者六味地黃丸

六君子湯 見真中風

六味地黃丸 見火中

補中益氣湯

黃耆

一錢五分

人參

二錢五分

甘草

炙五分

橘皮

七分

白朮

一錢

升麻

三分

柴胡

三分

歸身

一錢

水二盞煎一盞食還服

濕中丹溪曰東南之人多由濕土生痰痰生熱熱生風清燥湯主之 內中濕者脾土本虛不能制濕或食生冷水溼之物或厚味醇酒停於三焦注於肌肉則濕從內中矣宜滲溼湯 外中溼者或山嵐瘴氣或天雨濕蒸或遠行涉水或久臥濕地則溼從外中矣其證頭重體痛四肢倦怠腿膝腫痛身重浮腫太便泄瀉小便黃赤宜治溼羌活湯虛者獨活寄生湯

清燥湯 治氣虛濕熱肺金受邪絕寒水生化之源小便赤少

大便不實腰膝痠軟口乾作渴體重麻木頭目眩暈飲食少

思自汗盜汗倦怠氣促

黃耆

一錢五分

五味子

九粒

黃連

神麴

炒

豬苓

柴胡

甘草

炙各二分

蒼朮

炒

白朮

炒

麥門冬

去心

陳皮

生地黃

澤瀉

各五分

茯苓

人參

當歸

升麻

黃柏

酒炒三分

水二鍾煎

一鍾服

漆濕湯

蒼朮

酒浸炒

白朮

土炒

茯苓

各一錢半

陳皮

澤瀉

豬苓

各一錢

甘草

三分

香附

撫芎

砂仁

厚樸

去皮各七分

水二鍾煎

三片燈草十尺煎八分服

除濕羌活湯

治風濕相搏一身重痛

蒼朮湯浸炒

藁本各二錢

羌活七分

防風

升麻

柴胡各五分

水煎溫服

獨活寄生湯

治腎虛臥溼腰背拘急筋攣骨痛脚膝冷痺緩

弱偏枯腫重艱步

獨活

桑寄生

牛膝

杜仲炒

秦艽

細辛

白芍藥炒

茯苓

人參

當歸

熟地黃

防風各等分

甘草減半

水二鍾生薑三片煎一鍾空心溫服

寒中身體強直口噤不語四肢戰掉卒然眩暈身無汗者此寒

毒所中也宜薑附湯或附子麻黃湯

薑附湯 治中寒昏倒及陰證傷寒大便自利

乾薑

熟附子各等分

水煎服



附子麻黃湯 治中寒昏冒口眼喎僻

麻黃

白朮 炒

人參

甘草 炙

附子 泡

乾薑

各等分

水煎服

暑中面垢悶倒昏不知人冷汗自出手足微冷或吐或瀉或喘或滿或渴先以蘇合香丸挾開灌之或以來復丹研末白湯灌下或研蒜水灌之或剝蒜肉入鼻中皆取其通竅也 不吐皂角刮去黑皮燒過存性每皂角灰一兩甘草末六錢和勻每服一錢新汲水調下待其稍甦辨證與藥 靜而得之謂之中暑中暑者陰證也當發散也或納涼於廣廈或過食於生冷頭痛惡寒肢節疼痛大熱無汗此陰寒所遏陽氣不得發越輕者香薷飲重者大順散 動而得之謂之中熱中熱者陽證也熱傷元氣非形體受病也或行役於長途或務農於赤日頭痛躁熱

肌膚大熱大渴多汗少氣蒼朮白虎湯主之

熱死人切勿誤與冷水及臥冷地宜

隨日中或令近火以熱湯灌之即活

蘇合香丸

見真中風

來復丹

見真中風

香薷飲

木方加人參白朮陳皮茯苓木瓜黃耆各十味香薷飲虛者宜之

香薷

去根三錢

厚樸

一錢五分

白朮豆

微炒一錢

甘草

五分

水二盞煎一盞沉

冷服

此暑月發散之劑惟中暑者宜

之若奔走勞役而

中熱者用此溫散之劑復傷其氣如火

益熱矣世多不知

而混用故特表而出之

大順散

治納涼太過

飲冷太多脾胃受寒霍亂吐瀉此拾時

從證之劑也

甘草

三兩

乾薑

一兩

杏仁

去皮尖

肉桂

去皮各四錢

右先將甘草炒熱次入乾薑同炒令薑裂次入杏仁同炒令杏仁不作聲爲度後入桂磨篩每服二錢井花水調服沸湯點服亦得

蒼朮白虎湯

知母一錢

石膏三錢

甘草三分

粳米一錢

蒼朮一錢

水二杯煎一杯服

氣中七情內傷氣逆爲病痰潮昏塞牙關緊急極與中風相似但風中身溫氣中身冷風中脉浮應人迎氣中脉沉應氣口以氣藥治風猶可以風藥治氣則不可急以蘇合香丸灌之候醒以八味順氣散口香附或木香調氣散有痰者星香散若其人本虛痰氣上逆關格不通宜養正丹

蘇合香丸

見真中風

八味順氣散

白朮炒黃

白茯苓

青皮去白

白芷

橘紅

烏藥

人參各五

甘草炙三

水一碗煎七分服

木香調氣散

白豆蔻研

丁香

檀香

木香各二兩 藿香

甘草炙各

砂仁四兩

右為細末每服二錢沸湯入鹽少許點服

星香散見真中風

養正丹見真中風

食中醉飽過度或感風寒或着氣惱以致填塞胸中胃氣不行忽然厥逆昏迷口不能言肢不能舉若誤作中風中氣治之必死宜煎薑鹽湯探吐風寒者藿香正氣散氣滯者八味順氣散

吐後別無他證只以蒼朮白朮陳皮厚樸甘草之類調之

藿香正氣散 見真中風

八味順氣散 見氣中

惡中登冢入廟弔死問喪飛尸鬼擊卒厥客忤手足逆冷肌膚粟起頭面青黑精神不守或錯言妄語牙閉口噤昏暈不知人宜蘇合香丸灌之俟少甦服調氣平胃散

蘇合香丸 見真中風

調氣平胃散

木香

烏藥

白豆蔻

檀香

砂仁 各一錢

藿香 一錢二分

蒼朮 一錢五分

厚樸 薑汁炒

陳皮 各一錢

甘草 五分

水二鍾生薑三片煎一鍾食前服

醫案

太史楊方壺夫人忽然暈倒醫以中風之藥治之不效迎余診之左關弦急右關滑大而軟本因元氣不足又因怒後食停先以理氣消食之藥進之得解黑屎數枚急以六君子加薑汁服四劑而後暈止更以人參五錢耆朮半夏各三錢茯苓歸身各二錢加減調理兩月而愈此名虛中亦兼食中

昆尊張太藥令邸丙子六月間未申時暈絕不知人至更餘未甦此得之生冷太過也皂角末吹鼻中無嚏舉家驚惶余以皂角灰存性新汲水灌之更取沉香焚之俾香氣滿室以達其竅至子後方甦服十味香薷飲而安此暑中挾虛

給諫晏懷泉夫人先患胸腹痛次日卒然暈倒手足厥逆時有醫者以牛黃丸磨就將服矣余診之六脉皆伏惟氣口稍動此食滿胸中陰陽痞隔升降不通故脉伏而氣口獨見也取陳皮

砂仁各一兩薑八錢鹽三錢煎湯以指探吐得宿食五六碗六  
脉盡見矣左關弦大胸腹痛甚知爲大怒所傷也以木香青皮  
橘紅白朮香附煎成與服兩劑痛止更以四君子加木香烏藥  
調理十餘日方瘥此食中兼氣中

章仲與令愛在閤時昏暈不知人蘇合香丸灌醒後狂言妄語  
喃喃不休余診其左脉七至大而無倫右脉三至微而難見正  
所謂兩手如出兩人此祟憑之脉也線帶繫定二大拇指以艾  
炷灸兩介甲至七壯鬼即哀詞求去服調氣平胃散加桃奴數  
日而祟絕此名惡中

### 傷風

經曰虛邪賊風陽先受之又曰內滕閉拒雖有大風苛毒弗之  
能害

脾虛則肌肉不充肺虛則玄府不閉風邪乘虛乃客於經  
絡諸盜賊皆重傷高壁則不能入少有疎漏而後犯之故

曰虛邪賊風又曰內勝閉拒弗之能害風者天之陽氣其乘於人則傷衛氣衛氣陽也故曰陽先受之

愚按風爲陽邪善行數變其傷人也必從俞八俞皆在背故背常固蜜風弗能干已受風者常曝其背使之透熱則潛有黑散經文所謂乘虛來犯固矣若其人素有痰熱壅遏於太陰陽明之經內有竅囊則風邪易於外束若爲之招引者然所謂風乘火勢火借風威互相鼓煽也治實之法秋冬與之辛溫春夏與之辛涼解其肌表從汗而散治虛之法固其衛氣兼解風邪若專與發散或汗多亡陽或屢痊屢發皆治之過也治風火之法辛涼外發甘苦內和勿與苦寒恐正不得申邪不得解耳

神朮散 治傷風頭痛鼻塞聲重

蒼朮

葉本

白芷

細辛

羌活

川芎

甘草

各六分



水鍾半薑三片葱白三莖煎八分熱服

川芎茶調散 治傷風頭目昏痛鼻塞聲重

薄荷葉 四兩 川芎 二兩 羌活 甘草 一兩

荊芥 二兩 白芷 一兩 防風 七錢 細辛 五錢

右爲末每服二錢茶調下

參蘇飲 治傷風發熱頭痛咳嗽涕唾稠粘

人參 蘇葉 乾葛 半夏 製 前胡

桔梗 枳殼 陳皮 茯苓 甘草 各八分

木香 磨一分 水鍾半薑五片棗一枚煎八分服

消風散 治四時感冒發熱惡寒頭痛聲重

蒼朮 麻黃 荊芥 白芷 陳皮 各一錢

甘草 五分 水鍾半薑三片葱白一莖煎八分服

人參敗毒散 治頭痛發熱惡寒鼻塞聲重

人參

羌活

桔梗 去蘆

柴胡

前胡

獨活

川芎

茯苓

枳殼 炒

甘草 各一錢

水鍾半薑三片煎服

柴胡升麻湯

柴胡

前胡

升麻

梔白皮

赤芍藥

乾葛

黃芩 炒

石膏

荆芥 各一錢

水二鍾薑三片淡豆豉二十粒煎一鍾服

虛癆

經曰陰虛生內熱

陰者水之屬也腎水不足則虛火熾炎故內熱此言血虛之勞也

又曰勞則

喘且汗出內外皆越故氣耗矣又曰有所勞倦形氣衰少穀氣

不盛上焦不行下脘不通而胃氣熱熱氣薰胸中故內熱勞字從力

從火勞力則二火炎於高巔氣急而喘內越也氣蒸而汗外越也內外皆越故氣耗矣一勞則傷脾脾主四肢故困倦無氣以動脾主肌肉故形氣衰少脾主消穀脾虛不運故穀氣不盛脾者肺之母也肺虛上焦主氣以下布者也上虛不能生金則肺薄而濁氣不能達於下腕地氣不升天氣不降清氣陷下濁氣逆上故內熱此言氣虛之病也

愚按內經之言虛癆惟是氣血兩端至巢氏病源始分五臟之勞七情之傷甚而分氣血筋骨髓精之六極又分腦髓玉房胞絡骨血筋脉肝心脾肺腎膀胱膽胃三焦大小腸肉膚皮氣之二十三蒸本事方更分屍鬼疰至於九十九種其鑿空附合重出複見固無論矣使學者惑於多岐川方錯雜伊誰之咎乎蓋以內經爲式第於脾腎分主氣血約而該確而可守也夫人之虛不屬於氣卽屬於血五臟六腑莫能外焉而獨舉脾腎者水爲萬物之元土爲萬物之母二臟安和一身皆治百疾不生夫脾具土德脾安則土爲金母金寶水源且土不凌水水安其

位故脾安則腎愈安也腎兼水火腎安則水不挾肝上泛而凌上濕火能益土運行而化精微故腎安則脾愈安也孫思邈云補脾不如補腎許學士云補腎不如補脾兩先生深知二臟爲生人之根本又知二臟有相贊之功能故其說似背其旨實同也救腎者必本於陰血血主濡之血屬陰主下降虛則上升當歛而抑六味丸是也救脾者必本於陽氣氣主煦之氣爲陽主上升虛則下陷當升而舉補中益氣湯是也近世治癆專以四物湯加黃柏知母不知四物皆陰行秋冬之氣非所以生萬物者也且血藥常滯非痰多食少者所宜血藥常潤久行必致滑腸黃柏知母其性苦寒能瀉實火名曰滋陰其實燥而損血名曰降火其實苦先入心久而增氣反能助火至其敗胃所不待言丹溪有言實火可瀉虛火可補癆證之火虛乎實乎瀉之可

乎矯其偏者輒以桂附爲家常茶飯此惟穴衰者宜之若血氣燥熱之人能無助火爲害哉大抵虛癆之證疑難不少如補脾保肺法當兼行然脾喜溫燥肺喜清潤保肺則礙脾補脾則礙肺惟燥熱而甚能食而不瀉者潤肺當急而補脾之藥亦不可缺也倘虛羸而甚食少瀉多雖喘嗽不寧但以補脾爲急而清潤之品宜戒矣脾有生肺之能肺無扶脾之力故補脾之藥尤要於保肺也嘗見癆證之死多死於泄瀉泄瀉之因多因於清潤司命者能不爲兢兢耶又如補腎理脾法當兼行然方欲以甘寒補腎其人減食又恐不利於脾方欲以辛溫快脾其人陰傷又恐愈耗其水兩者並衡而較重脾者以脾土上交於心下交於腎故也若腎大虛而勢困篤者又不可拘要知滋腎之中佐以砂仁沉香壯脾之中參以五味肉桂隨時活法可耳又如

無陽則陰無以生無陰則陽無以化宜不可偏也然東垣曰甘  
溫能除大熱又曰血脫補氣又曰獨陰不長春夏之溫可以發  
有秋冬之寒不能生長虛者必補以人參之甘溫陽生陰長之  
理也且虛癆證受補者可治不受補者不治故葛可久治癆神  
良素著所垂十方川參者七丹溪專主滋陰所述治癆方案用  
參者亦十之七不用參者非其新傷必其輕淺者耳自好古肺  
熱傷肺節癆服參必死之說印定後人眼目甘用苦寒直至上  
嗔下泄猶不悔悟良可悲已幸李瀕湖汪石山詳爲之辨而宿  
習難返貽禍未已不知肺經自有熱者肺脈按之而實與參誠  
不相宜若火來乘金者肺脈按之而虛金氣大傷非參不保前  
哲有言曰土旺而金生勿拘拘於保肺水壯而火熄毋汲汲於  
清心可謂洞達內經之旨深窺根本之治者也

傳屍勞瘵虛癆熱毒積久則生惡蟲食人臟腑其證蒸熱咳嗽  
胸悶背痛兩目不明四肢無力腰膝酸疼臥而不寐或面色脫  
白或兩頰時紅常懷忿怒夢與鬼交同氣連枝多遭傳染甚而  
滅門大可畏也法當補虛以復其元殺蟲以絕其根能殺其蟲  
雖病者不生亦可絕其傳疰耳凡近視此病者不宜飢餓虛者  
須服補藥宜佩安息香及麝香則蟲鬼不敢侵也

**吐血**上盛下虛血隨氣上法當順氣氣降則血歸經矣蘇子降

脉來微軟精神困倦是氣虛不能攝血或人參飲子或獨參湯脉洪有力精

神不倦胸中滿痛或吐血塊用生地黄赤芍藥當歸丹皮丹參  
桃仁大黃之屬從大便導之血以上出爲逆下出爲順苟非大  
虛泄瀉者皆當行之以轉逆爲順此釜底抽薪之妙法若吐血  
已多困倦虛乏者不可行也吐多而急欲止之生地黄當歸丹

皮赤芍藥煎湯入藕汁童便各一鍾血餘灰二錢墨灰五分調

勻熱服怒氣傷肝者丹皮芍藥木香之屬勞心者蓮子糯米柏

仁遠志棗仁扶神之屬酒傷者乾葛茅花側柏荆芥穗之屬飲

食傷胃者白朮陳皮甘草穀蘖砂仁之屬吐血色黯脉遲而寒

者理中勞力者蘇子降氣湯加河膠或以

嗽血涎唾中有少血散漫者此腎虛火炎之血也六味地黃

膠血如紅縷在痰中嗽出者此肺血也二冬二母白芨阿膠甘

肺傷者其人勞倦人參救肺散肺痿吐膿血薏苡仁煮粥凡血證既

久古人多以胃藥收功四君子湯

咯血不嗽而血從咯出此腎血也地黃牛膝牡丹皮茯苓

嗽有聲無痰曰欬肺因火燥也新定清有痰有聲曰嗽脾受

溼侵也二陳脾虛倦怠者六君子湯

醫宗金匱

卷六 虛癆



死證虛癆不服參耆爲不受補者死 癆嗽聲啞者死 一暈不能睡者死 癆證久瀉者死 大肉去者死 吐血淺紅色似肉似肺謂之欬白血必死

**脉法**寸口脉浮而遲浮則爲虛遲則爲癆 左手脉細右手浮大勁急爲正虛邪盛必死 久病沉細而數者死 中空外急此名革脉婦人半產漏下男子亡血失精 脉結者三年內必死 脉代者三月內必死

**醫案**

邑宰何金陽

福建邵武府人名望海

令郎虛損已瀕於危見余拙刻微論

藥解脉象諸書遣使聘余手書云嘗聞一命之士存心愛物於人必有所濟況老先生天地萬物爲體分醫國之餘著述嘉刻皆本性命而立言望海神交深知雲閒有李先生東垣再來也

緣小兒天根久眈膏肓昕久窮神而不自節氣暴陰傷形瘁於  
勞精搖於夢汗出平寐而柴枘其中鉅藥歷歲垂末無功不遠  
數千里專送台車俯矜望海扶杜單傳年幾半百僅舉獨子願  
其廉賴無庸俱焚伏讀老先生廣嗣論中一旦至我而斬之語  
念之大懼不自知其涕泗之沾襟也以是乞刀圭如仙掌金莖  
一洒甘露起骨而肉之仰惟仁人君子必不遐遺則小兒自此  
有生之年皆老先生引手之賜也金石可銷此心不晦再造之  
天敢忘銜結耶余感其言遂往比至而病益進矣簡其所服以  
四物知栢爲主芩連二冬爲加減診其脉大而數按之極軟余  
曰中氣大寒反爲藥苦矣乃以歸脾湯入肉桂一錢人參五錢  
當晚得熟寐居十日而汗止精藏更以還少丹兼進補中益氣  
間服一月而痊

少宗伯顧隣初丙辰年患發熱困倦目昏耳鳴脚軟不能行大便燥結手足麻痺腰膝疼痛余診之曰腎虛不能上交心虛不能下濟且尺脈遲軟力勉其用八味丸十全大補湯加圓眼三十枚五十餘日精神漸旺肌肉漸充致書鳴感一日多飲虎骨酒大便仍結醫者皆云八味丸非久服之藥十全大補宜去肉桂反用知母玄參佐之服之數月遂致不起

學憲黃貞父下血甚多面色痿黃發熱倦怠盜汗遺精余診之曰脾虛不能統血腎虛不能閉藏法當以補中益氣五貼併一而進之十日汗止二十日血止再以六味地黃丸間服一月而安南都許翰所孫女吐血痰嗽六月診之兩尺如爛綿兩寸大而數余曰金以火爲仇肺不浮瀉反得洪大賊脈見矣秋令可憂八月初五復診肺之洪者變爲細數腎之軟者變爲疾勁余

曰戚在戊午少陰司天兩尺不應今尺當不應而反大寸當浮大而反沉細尺寸反者死肺至懸絕十二日死計期當死於十六日然能食者過期況十六十七二日皆金未遑絕也十八日交寒露又值火日經曰手太陰氣絕丙日篤丁日死言火日也寅時乃氣血注肺之時不能注則絕必死於十八日寅時矣輪所聞之潸然淚下以其能食猶不肯信至十八日未曉而終汪望洋之孫年方舞象發熱咳嗽羸弱頭眩二冬二母知栢苓連不啻百劑病勢轉增余診其脉右脉虛軟乃知脾肺氣虛火不生土之候也遂用補中益氣加五味子苡仁薑桂至三錢十劑而減兩月乃安春初又發令其服補中凡一年諸證永痊矣吳門張飲光發熱乾欬呼吸喘急始用蘇子降氣不應乃服八味丸喘益急迎余余視其兩頰俱赤六脉數大此肺肝蘊熱也

以逍遙散用牡丹皮一兩苡仁五錢蘭葉三錢連進兩劑喘吸  
頓止以地黃丸料用麥冬五味煎膏及龜膠爲丸至十觔而康  
給諫章魯齋在吾邑作令時令耶液九吐血發熱遺精盜汗形  
肉衰削先有醫士戒之曰勿服人參若誤服之無藥可救矣兩  
月弗效召余診曰此脾肺氣虛之候非大劑參耆不可魯齋咳  
曰前有醫者戒之甚嚴而兄用之甚多何相懸也余曰此醫能  
任決效否曰不能也余曰請易參五觔母掣其肘期於三月可  
以報勩陳論甚力魯齋信而從之遂用六君子間用補中益氣  
及七味丸療之日輕一日果如所約

尙寶卿須曰華林下多鬱且有暴怒吐血甚多倦怠異常余以  
六君子納參一兩乾薑一錢木香八分四日而血止後因怒氣  
血復大作余曰先與平肝瀉當大補然夏得秋脉所謂早見非

時之脉當其時不能再見矣果如期而歿

太宗伯董玄宰乙卯春有少妾吐血蒸嗽先川清火繼用補中  
俱不見效迎余治之余曰兩尺沉實少腹按之必痛詢之果然  
此怒後裔血經年弗效乃爲蒸熱熱甚而吐血陰傷之甚也乃  
與四物湯加鬱金桃仁穿山甲大黃少許下黑血升餘少腹痛  
仍在更以前藥加大黃三錢煎服又下黑血塊及如桃膠蜆肉  
者三四升腹痛乃止虛倦異常與獨參湯飲之三日而熱減六  
柴服十全大補湯百餘日而康復如常

刑部主政唐名必勞心太過因食海鮮吐血有痰喉間如鯁日  
晡煩熱喜其六脉不數惟左寸濇而細右關大而軟思慮傷心  
脾也以歸脾湯大料加丹參丹皮麥門冬生地黃二十餘劑而  
證減六七兼服六味丸三月遂不復發

吳門周復庵年及五旬荒於酒色忽然頭痛發熱醫以羌活湯散之汗出不止昏暈不甦余與之炙關元十壯而醒四君子加薑桂日服三劑至三日少康分拆家產勞而且怒復發厥余用好參一兩熟附二錢煨薑十片煎服稍醒但一轉側卽厥一日之間計厥七次服參三兩至明日以羊肉羹糯米粥與之尙厥二三次至五日而厥定向余泣曰已蒙再生不知有全愈之日否余曰脉有根蒂但元氣虛極非三載調攝不能康也幸其恪信余言遵守用藥兩月之間服參四斤三年之內進劑六百貼丸藥七十餘斤方得步履如初親友眾多議論雜出若非病人任之專或久而見疑服藥少怠未有獲生者也

侍御馮五玉令愛發熱咳嗽已及半載十月間吐鮮血甚多一日之內不過食粥一盞大肉消陷大便溏泄沉困着床脉來七

至余曰法在不救人所共知若能惟余是聽不為勞撓可救十  
中之一每貼用人參五錢桂附各一錢耆朮三錢歸芍二錢陳  
皮一錢日投三貼約進七十劑及壯水丸三斤而後起於床又  
三月而飲食如舊若泥常法而棄之幽潛沉寃矣

新定拯陰理癆湯 治陰虛火動皮寒骨熱食少痰多咳嗽短

氣倦怠焦煩內經陰虛  
內熱之方

牡丹皮 一錢 當歸身 一錢 麥門冬 一錢 甘草 四分 苡仁 三錢

白芍藥 七分 北五味 三分 人參 六分 蓮子 三錢 橘紅 一錢

生地黃 二錢 忌銅鐵器  
薑汁酒炒透

水二鍾棗一枚煎一鍾分二次徐徐呷之肺脉重按有力  
者去人參有血加阿膠童便熱盛加地骨皮泄瀉減歸地  
加山藥茯苓倦甚用參三錢欬者燥痰也加貝母桑皮嗽



者溼痰也加半夏茯苓不寐加棗仁汗多亦用此余自立  
之方用治陰虛火熾臂如潯暑伊鬱之時而商飈颯然倏  
動則炎鼓如失矣久服無敗胃之虞

新定拯陽理癆湯

治癆傷氣耗倦怠嬾言動作喘乏表熱自

汗心煩徧身作痛

內經癆傷  
氣耗之方

黃耆

三錢酒炒

人參

二錢去蘆

肉桂

七分去皮

當歸

一錢五分酒炒

白朮

二錢土炒

甘草

五分酒炒

陳皮

一錢去白

北五味

四分打碎

水二鍾薑三片棗肉二枚煎一鍾服如煩熱口乾加生地

黃氣浮心亂加丹參聚仁咳嗽加麥門冬挾濕加茯苓蒼

朮脉沉遲加熟附子脉數實去桂加生地黃胸悶倍陳皮

加桔梗痰多半夏茯苓泄瀉升麻柴胡口渴加乾葛夏月

去肉桂冬月加乾薑

四物湯

理中湯

異功散

六君子湯

八珍湯

五方並見中風門

補中益氣湯

見類中風

十全大補湯

治諸虛癆傷飲食不進久病疰羸潮熱背痠

遺脚軟喘嗽煩悶

肉桂

去皮

甘草

炙

芍藥

炒

黃耆

蜜水

當歸

酒洗

川芎

人參

去蘆

白朮

土炒

茯苓

去皮

熟地

各等分

每服六錢水二鍾薑三片東肉二枚煎一鍾服

小建中湯

桂枝

去皮

甘草

炙

生薑

各一錢

芍藥

二錢

大棗

一枚

膠飴

一錢

水鍾半煎一鍾入飴更上微火鎔化溫服酒家嘔家俱禁此

湯以其甜也加黃耆名黃耆建中湯

八味地黃丸 治腎虛發熱作渴淋閉痰嗽頭眩眼花耳鳴咽

燥舌痛牙疼腰腿痠軟自汗盜汗便血吐血衄血發熱失音水

泛為痰

熟地黃八兩 性膏 山茱萸肉 乾山藥各四兩 牡丹皮 白茯苓

澤瀉各三兩 熟附子一兩 肉桂去皮 一兩

右為末和地黃膏加煉蜜丸桐子大每服三錢空心食前

滾湯下去附子名七味丸 去桂附名六味丸

還少丹 大補心腎脾胃一切虛損

乾山藥 牛膝酒浸 遠志去心 山茱萸去核 白茯苓

五味子烘 巴戟酒浸 去心 肉蓯蓉酒浸 去甲 石菖蒲 楮實

杜仲鹽汁酒 炒斷絲 舶茴香各一兩 枸杞子烘 熟地黃各二兩

為末煉蜜丸如桐子大每服三錢溫酒或鹽湯下日三服

久服令人悅顏輕健不老

酸棗仁湯

治心腎不安怔忡恍惚夜以不安精血虛耗脾胃泄瀉

酸棗仁

一錢五分

遠志肉

黃耆

炙水

蓮肉去

人參

當歸

酒炒

白茯苓

茯神

各一錢

陳皮

甘草

炙各五分

水二鍾薑三片棗一枚煎一鍾日三服

心熱者如黃連生地黃麥門冬木通

白朮散

治脾胃虛寒嘔吐泄瀉食少胸滿

白朮

土炒

人參

草果

厚樸

酒浸

肉果

饅透

陳皮

木香

麥蘖

炒各一錢

甘草

炙五分

水二鍾薑五片棗二枚煎一鍾服

小甘露飲

治脾癆實熱身黃咽痛

黃芩

一錢

升麻

五分

茵陳

一錢

山梔

八分

桔梗

炒六分

生地黃

一錢五分

石斛

二錢

甘草

四分

水鍾半薑五片煎八分服

溫肺湯 治肺癆虛寒胸滿冷痛

人參 一錢

甘草 四分

半夏

肉桂

橘紅

乾薑 炒各八分

木香 五分

水鍾半煎八分服

涼肺湯 治肺癆實熱欬嗽喘急

知母 去毛炒

貝母

天門冬 去心

麥門冬 各一錢半

黃芩

橘紅 各一錢

甘草 五分

桑皮 八分

水鍾半煎八分服

溫腎丸 治腎癆虛寒腰痛足軟遺濁

熟地黃

酒煮杜仲 炒去絲

兔絲子

石斛 去根

黃耆

續斷

肉桂 去皮

磁石 煨醋

牛膝 去蘆

沉香 別研

五加皮

山藥 炒各一兩

右爲末用雄羊腎兩對葱椒酒煮爛入酒及地黃膏爲丸  
如梧子大每服五錢空心酒下

涼腎湯 治腎癆實熱腹脹耳聾

生地黃

三錢

赤茯苓

一錢

玄參

一錢

遠志

去木一錢

知母

八分酒炒

黃柏

六分酒炒

水鍾半煎八分服

人參養榮湯

治脾肺俱虛發熱惡寒倦怠泄瀉  
種種虛證勿論其脈但用此湯

白芍藥

一錢五分

人參

一錢

陳皮

一錢

黃耆

一錢

桂心

當歸

一錢

白朮

一錢

甘草

一錢

熟地黃

一錢

五味子

炒

茯苓

各八分

遠志肉

五分

水二鍾薑三片棗二枚煎服

逍遙散

治血虛煩熱肢體疼痛口乾盜汗  
月水不調寒熱如瘧痰嗽骨蒸

白茯苓

一錢

白朮

土炒

當歸

一錢

白芍藥

酒炒

柴胡

各一錢

甘草

炙五分

水鍾半薑三片煎八分服

加山梔牡丹皮  
名加味逍遙散

清骨散 治骨蒸熱

銀柴胡一錢五分 胡黃連

秦艽

龜甲醋炙

青蒿

地骨皮

知母各一錢

甘草五分

水二鍾煎一種食遠服

三才封髓丹 降心火益腎水

天門冬去心

熟地黃

人參各五兩

黃藥酒炒

砂仁各三兩

甘草一兩五錢

爲末麵糊丸桐子大每服五錢肉蓯蓉五錢切片酒一鍾

煎二三沸去渣空心送下

生脉散 治火旺金虛倦怠煩渴

人參二錢

麥門冬三錢

五味子三錢

水一鍾煎八分服

猪脂丸

肌體羸瘦服之卽肥其效如神

牡蠣煨

白朮各四兩

苦參三兩

爲細末以猪脂一具煮極爛研如膏和九如桐子大每服三錢米飲送下日三服

調中益氣湯

黃耆錢一

人參

甘草炙

當歸

白朮各五錢

五味子粒十五

柴胡

白芍藥炒

升麻二分

橘皮三分

水鍾半煎八分食前溫服

蘇子降氣湯

治虛陽上攻氣不升降痰涎壅盛胸膈喧塞并久年肺氣至效

蘇子炒

半夏

泡各二分前胡去蘆

甘草炙

厚樸薑汁炒

橘紅去白各一錢

當歸

去蘆一錢五分沉香七分

水二鍾薑三片煎一鍾服虛人加黃耆一錢肉桂五分

人參飲子

脾胃虛弱氣虛倦怠衄血吐血



人參去蘆二錢

五味子二十粒

黃耆去蘆炙

麥門冬去心白芍藥炒

當歸身

各一錢五分

甘草

炙一錢

水二鍾煎一鍾食遠服

四生丸

治吐血衄血

生荷葉

生艾葉

側柏葉

生地黄

各等分

搗爛丸如雞子每服一丸水煎去渣服

大阿膠丸

治嗽血吐血

阿膠微炒

卷栢

生地黄

大薊獨根雞蘇葉

五味子

各一兩

栢子仁

另研

茯苓

百部

遠志去木

人參

麥門冬

去心

防風

各一兩

乾山藥一兩熟地黄一兩

為末煉蜜丸如彈子大煎麥門冬湯嚼一丸

犀角地黄湯

治大熱血積胸中

犀角

大黃

各一錢

黃芩

三錢

黃連

二錢

生地黄

四錢

水二鍾煎一鍾食後服

茅花湯 治鼻衄不止

茅花錢五 水一鍾煎六分服

百花膏 治癆嗽吐血

款冬花 百合蒸焙等分

爲末蜜丸龍眼大每服一九臨臥薑湯嚼下

噲化丸 治癆嗽有效

玉露霜 柿霜 貝母 百合各二兩 白茯苓

海石各一兩 甘草 五錢 秋石 二錢

入薄荷葉細末白礪砂少許煉蜜丸如龍眼大每噲化爲丸  
新定清寧膏 潤肺不傷脾 補脾不礙肺余所新定者也凡癆  
嗽吐血必不可缺極有效驗

麥門冬

去心十兩

生地黃

酒炒十兩

廣橘紅

三兩

桔梗

二兩

甘草

二兩

龍眼肉

八兩

煎成膏加苡仁八兩

淘淨炒熟

川貝母二兩

糯米拌炒米熟去米

真蘇州薄荷

荷淨葉五錢忌火俱為細末

拌勻煎膏時時挑置口中噙化

肺癰神湯

肺癰者癆傷氣血內有積熱外受風寒胸中滿急隱隱痛咽乾口燥時出濁唾腥臭吐膿如米粥者死脉

滑數或實大凡患者右脇按之必痛但服此湯未成即消已成即潰已潰即愈此余新定屢用屢驗者也

桔梗

二錢

金銀花

一錢

薏苡仁

五錢

甘草節

一錢二分

黃耆

一錢炒

貝母

一錢六分

甜葶藶

八分微炒

陳皮

一錢一分

白芨

一錢

水二鍾薑一片煎一鍾食後徐徐服新起加防風一錢去

者潰後加人參一錢久不斂加合歡皮一名夜合一錢

十灰散

一切血證用此止之

大薊

小薊

荷葉

側柏葉

茅根

茜根

櫻櫚皮

大黃

牡丹皮

山梔

各等分

各燒灰存性研細碗蓋於地一宿藕汁調服

白鳳膏 治久癆積虛咳嗽痰血蒸熱困倦

黑嘴白鴨

一隻大京棗二升

陳煮酒一瓶

參苓平胃散一升

將鴨縛定量病人飲酒多少以酒盪溫割開鴨頂滴血入酒飲之直入肺經受補將鴨去毛於肺邊開一孔取去腸雜拭淨次將棗去核每個中納參苓散填滿鴨腹中麻線紮定沙鍋內用火慢煨將酒三次添入以乾為度但食共棗參湯送之或同鴨肉搗丸服

芎歸血餘散 治傳屍癆瘵去鬼殺蟲

室女頂門生髮

一小團皂角湯洗淨醋浸一宿晒乾紙燃火燒存性

川芎五錢 當歸三錢

木香

桃仁去皮炒各二錢

安息香

雄黃各一錢 全蝎二枚

江上大鯉魚

生取頭醋炙

右為末分四服每服井水一大碗淨室中煎七分八紅硬

降真香末五分燒北斗符入藥月初五更空心向北仰天

咒曰療神療神害我生人吾奉帝勅服藥保身急急如

律令

咒五遍面北服藥畢南向吸生氣八口腹中燒降香置床下午時久如前服藥

北斗

符式

勅

𠄎

用黃紙一方新筆淨水研透明硃砂書此符書時念前北斗咒

龜甲生犀散

殺癆蟲取下惡物

天靈蓋

一具男者色不赤可用女者色赤不用檀香煎湯候

令咒七遍說

次用酥炙黃生龜甲一枚

雷公聖達傳屍即須應急急如律

酬灸安息香

桃仁

去皮炒

檳榔各五錢

生犀角

木香

甘遂

降真香

乾漆炒存性

阿魏酒浸研各三錢

雷丸二錢

穿山甲

取趾金燭三個

蚯蚓十條生研和藥

右爲末每服五錢先用鼓心四十九粒東向桃李桑梅小  
稍各二莖長七寸生藍青七葉青蒿一小握葱白連根洗  
五莖石相內同杵用井水一碗半煎取一盞入童便一盞  
內藥未煎取七分入麝一字月初旬五更空心溫服卽以  
被覆取汗恐汗中有細虫軟帛拭之卽焚其帛少時必瀉  
以淨桶盛急鉗取蟲烈火焚之並收入磁瓶中雄黃蓋之  
以瓦油盞鐵線紫定泥固埋深山中絕人行處

道藏經曰每值庚申日其夜不睡守之至曉屍蟲不能爲害三  
守庚申三屍長絕每夜叩齒三十六通左手捧心呼三屍之名  
上屍彭琨出中屍彭瓚出下屍彭璠出令不得爲害常以庚申  
去手甲丑日去足甲每年七月十六日將所去手足甲燒灰和

水服之三屍九虫皆滅

醫宗必讀卷六終

宛委山房重校醫宗必讀卷之七

雲間李中梓士材父著

門人包時化象蓀父叅

姪孫李廷芳蘅伯父訂

水腫脹滿

黃帝曰脉之應於寸口如何而脹岐伯曰其脉大堅以滿者脹也邪盛則大邪實則堅滿者氣血虛而不流利也洪大之脉陰陰氣必衰堅強之脉胃氣必損故大堅以滿病當為脹為藏腸為府脉病在陰則脹在藏夫脹者皆在於藏府之外排藏府而部胸脇脹皮膚故命曰脹胸腹者藏府之部也腹中者心主之宮城也胃者太倉也咽喉小腸者傳送也咽喉傳送者腸傳送者胃之五竅者閭里門戶也咽門賁門幽門闕門魄門自下而出胃之五竅者閭里門戶也胃氣之所行也是為五竅閭里門戶也里隣里也周禮五家為比五比為閭蓋二十五家也五家為軌十軌為里蓋五十家也言胃之五竅象如閭里門戶廉泉玉英者津液之道也二穴俱在脉玉英即玉堂故五藏六府者各有畔



界其病各有形狀營氣循脉衛氣逆為脉脹清者為營營行脉中其氣情專未即

致脹濁者為衛衛行脉外其氣慄疾行于分肉之間故必由衛氣之逆而後病及于營則為脉脹衛氣並脉循

分為膚脹衛氣逆而並於脉腹循心脹者煩心短氣卧不安肺

脹者虛滿而喘欬肝脹者脇下滿而痛引小腹脾脹者善噦四

肢煩惋音美挽體重不能勝衣卧不安腎脹者腹滿引背央央

然腰髀痛此五熱胃脹者腹滿胃脘痛鼻聞焦臭妨于食大便

難大腸脹者腸鳴而痛濯濯冬日重感于寒則飧泄不化小腸

脹者少腹脹音引腰而痛膀胱脹者少腹滿而氣癃三焦脹

者氣滿于皮膚中輕輕然而不堅臍脹者脇下痛脹口中苦善

太息此六府之脹也濯濯腸鳴水聲也厥氣在下營衛留止寒

氣逆上真邪相攻兩氣相搏乃合為脹也厥逆之氣自下而上

攻而合

為脹也

黃帝曰水與膚脹鼓脹腸覃石瘕石水何以別之岐伯曰水始起也目窠上微腫如新臥起之狀目下為窠微腫其動脈動時欬頸脈足陽明人迎也陽明之脈自人迎下循腹裏水邪乘之故頸脈動水之標在肺故為時欬陰股間寒足脛腫腫腹乃大其水已成矣以手按其腹隨手而起如裏水之狀此其候也腫以上皆水○膚脹者寒氣客於皮膚之間蹻蹻然不堅腹大身盡腫皮厚蹻蹻鼓聲也寒氣客于皮膚之間陽氣故不堅氣無所不至故腹大身盡腫不行病在氣分故有聲如鼓氣本無形若囚于水則有水處腫無水處不腫按其腹胃而不起腹色不變此其候也寒氣在膚腠之間按散則不能猝聚故胃而不起腹隨手而起者屬水胃而不起者屬氣此固然也然氣亦有隨手而起者水亦有胃而不起者水可以起與不起為的辨但當察皮厚色蒼或一身盡腫或自上而下者多屬氣○鼓脹者腹若皮薄色澤或腫有分界或自下而上者多屬水○鼓脹者腹脹身皆大大與膚脹等也色蒼黃腹筋起此其候也內傷脾胃旦食則不能暮食中空無物腹皮網急其象如鼓故名鼓脹其狀與上文膚脹無異但腹有筋起為別○膚脹屬肺鼓脹屬脾

○腸單者寒氣客於腸外與衛氣相搏氣不得榮因有所繫癖

而內著惡氣乃起瘕肉乃生尊延布而深也寒氣與衛氣相搏

故癖積起其始生也大如雞卵稍以益大至其成如懷子之狀

久者離歲按之則堅推之則移月事以時下此其候也離歲越

邪客于腸外不在胞中故無妨于月事○石瘕生于胞中寒氣

其非血病可知蓋由汁沫所聚而生也○石瘕生于胞中寒氣

客于子門子門閉寒氣不得通惡血當寫不寫衄以留止日以

益大狀如懷子月事不以時下皆生于女子可導而下衄凝敗

子門閉塞則鮮血留止其堅如石故曰石瘕可以導血之劑下之也

帝曰其有不從毫毛生于病生五藏陽以竭也津液充部其魄獨

居孤精于內氣耗于外形不可與衣相保此四極急而動中是

氣拒于內而形施于外治之奈何氣為陽陽竭則不能通調水

氣而魄藏焉無氣則魄獨居形體腫脹不可與衣相保岐伯曰

四肢腫急喘而動中是氣逆而拒于內形大而施于外岐伯曰

平治於權衡去菟陳莖微動四極溫衣繆刺其處以復其形開  
鬼門潔淨府精以時服五陽以布疎滌五藏故精自生形自盛  
骨肉相保巨氣乃平權衡陰陽各得其平菟者積也陳者久也  
者運動四肢也溫則水氣易行故須溫衣不拘隊穴名曰繆刺  
既和陰精時服由是五陽宣布陰水盡滌精血自生形肉自盛  
也○岐伯無石水之對必有缺文陰陽別論曰愚按內經之論  
陰陽結邪多陰少陽曰石水少腹腫其脈當沉  
腫脹五藏六府靡不有之詳考全經如脉要論曰胃脉實則脹  
病形篇曰胃病者腹臙脹本神篇曰脾氣實則腹脹溼洩不利  
應象論曰濁氣在上則生臙脹此四條皆實脹也太陰陽明論  
曰飲食起居失節入五藏則填滿閉塞師傳篇曰足太陰之別  
公孫虛則鼓脹此二條皆虛脹也經脉篇曰胃中寒則脹滿方  
宜論曰藏寒生滿病風論曰胃風昂寒不通失衣則臙脹此三

條皆寒脹也六元正紀至真要等論有云太陰所至爲胕腫及  
土鬱之發太陰之初氣太陰之勝復皆濕勝之腫脹也或曰水  
運太過或曰寒勝則浮或曰太陽司天太陽勝復皆寒勝之腫  
脹也或曰少陰司天少陰勝復少陽司天少陽勝復或曰熱勝  
則腫皆火勝之腫脹也或曰厥陰司天在泉厥陰之復或曰陽  
明之復皆木邪侮土及金氣反勝之腫脹也由是則五運六氣  
亦各有腫脹矣然經有提其綱者曰諸濕腫滿皆屬于脾又曰  
其本在腎其末在肺皆聚水也又曰腎者胃之關也關門不利  
故聚水而從其類也可見諸經雖皆有腫脹無不由于脾肺腎  
者蓋脾土主運行肺金主氣化腎水主五液凡五氣所化之液  
悉屬于腎五液所行之氣悉屬于肺轉輸二臟以制水生金者  
悉屬于脾故腫脹不外此三經也但陰陽虛實不可不辨大抵

陽證必熱熱者多實陰證必寒寒者多虛先脹于內而後腫于外者爲實先腫于外而後脹于裏者爲虛小便黃赤大便秘結爲實小便清白大便溏泄爲虛滑數有力爲實弦浮微細爲虛色紅氣粗爲實色悴聲短爲虛凡諸實證或六淫外客或飲食內蕩陽邪急速其至必暴每成于數日之間若是虛證或情志多勞或酒色過度日積月累其來有漸每成于經月之後然治實頗易理虛恒難虛人氣脹者脾虛不能運氣也虛人水腫者土虛不能制水也水雖制于脾實則統于腎腎水水藏而元陽寓焉命門火衰既不能自制陰寒又不能溫養脾土則陰不從陽而精化爲水故水腫之證多屬火衰也丹溪以爲濕熱宜養金以制水使脾無賊邪之患滋水以制火使肺得清化之權夫制火固可保金獨不慮其害土乎惟屬熱者宜之若陽虛者豈

不益其病哉更有不明虛實專守下則脹已之一法雖得少寬于一時真氣愈衰未幾而腫脹再作遂致不救殊可嘆也余于此證察其實者直清陽明反掌收功苟涉虛者溫補脾腎漸次康復其有不大實亦不大虛者先以清利見功繼以補中調攝又有標實而本虛者瀉之不可補之無功極為危險在病名有鼓脹與蠱脹之殊鼓脹者中空無物腹皮繃急多屬于氣也蠱脹者中實有物腹形充大非蠱卽血也在女科有氣分與血分之殊氣分者心胸堅大而病發于上先病水脹而後經斷血分者血結胞門而病發于下先因經斷而後水脹在治法有理肺與理脾之殊先喘而後脹者治在肺先脹而後喘者治在脾以上諸法此其大畧也若夫虛實混淆陰陽疑似貴在臨證之項神而明之其免于實實虛虛之害乎

四肢不腫但腹脹者名卽腹脹難愈

死證腹脹身熱者死 腹脹寒熱如瘧者死 腹大脹四末清

脫形洩甚為逆 腹脹便血脈大時絕者死以上 唇黑或腫

肝傷 缺盆平心傷 臍突脾傷 足心平腎傷 背平肺傷

五傷者死 陰囊及莖腫腐者死 瀉後腹脹而有青筋者死

大便滑泄水腫不消者死 水腫先起于腹後散四肢者可

治先起于四肢後歸于腹者死以上

脈法盛而緊 大堅以瀼 遲而滑皆脹滿 沉而滑 浮而

遲 弦而緊皆水腫 二病之脈實大者可治虛微者難治

### 醫案

太學何宗魯夏月好飲水一日太宗師發放自早起候至未申  
為炎威所逼飲水計十餘碗歸寓便脹悶不能食越旬日腹如  
抱壅氣高而喘余視之曰皮薄而光水停不化也且六脈堅實



其病暴成法當利之遂以舟車丸每服三錢香薷湯送再劑而二便湧決如泉復進一錢五分腹減如故用六君子十貼即愈徽州方太和大怒之後復大醉至明日目下如卧蚕居七日而肢體皆腫不能轉側二便不通煩悶欲絕余診之脉沉且堅當逐其水用疎鑿飲子一服而二便快再服而四肢寬更以五皮飲服三日隨愈

以上二案水腫實證

武林文學錢賞之酒色無度秋初腹脹冬杪遍體腫急臍突背平在法不治迎余治之舉家叩首求救哀迫余曰我非有起死金丹但當盡心力而圖之耳即用金匱腎氣丸料大劑煎服兼進理中湯服五日無效余欲辭歸矣其家曰自知必死但活一日則求一日之藥即使不起安敢歸咎乎勉用人參一兩生附子三錢牛膝茯苓各五錢三日之間小便解下約有四十餘碗

腹有縐紋舉家拜曰皆再造之恩也約服人參四觔附子一觔

舊桂各一觔餘半載而瘥

此水腫之虛者

都憲李來吳積勞多鬱肢體脹滿以自知醫輒用胃苓湯加枳殼三月以來轉加痞悶余診其脉沉濇而軟視其色黃白而枯此虛證也宜大溫大補始猶不信爭之甚力僅用參二錢稍覺寬舒欲加桂附執不肯從余曰證坐虛寒喜行攻伐已見既堅

良言不納雖有扁倉豈能救耶越兩月果歿

此氣脹之虛者

錦衣太傅徐擔甯稟卑素壯病餘肥甘過度腹脹氣粗余診之脉盛而滑按之不甚虛宜以利氣之劑少佐參朮感于多岐之說旦暮更醫余復診曰卽畏參不用攻擊之劑決不可投也後與他醫商之仍用理脾疎氣之劑而安

此氣脹之不實亦不大虛者

光祿卿吳伯玉夫人患腹滿而痛喘急異常大便不通飲食不

進醫者用理氣利水之劑二十日不效余診之脉大而數右尺爲甚令人按腹手不可近余曰此大腸癰也脉數爲膿已成用黃耆皂刺白芷之類加葵根一兩煎一碗頓服之未申痛甚至夜半而膿血大下昏暈不支卽與獨參湯稍安更與十全大補一月而愈此似服而實非者

五皮飲

治脾肺不能運行氣滿皮膚水停不利

大腹皮

洗

赤茯苓皮

生薑皮

陳皮

桑白皮

炒各一錢

五分

水鍾半煎八分日進三服

胃苓湯

方見泄瀉

香蘇散

治水氣虛腫小便赤澀

橘紅

去白二錢

防已

木通

紫蘇葉

各一錢

水鍾半薑三片煎八分服

實脾飲 治陰水發腫用以實脾

厚朴薑汁炒

白朮炒

木瓜

大腹皮

附子炮

木香忌火

草果

白茯苓

乾薑炒各一錢

水鍾半薑五片煎七分服

復元丹 治脾腎俱虛遍身水腫小便不通

附子炮二兩

木香煨

茴香炒

川椒炒出

厚朴薑汁炒

獨活

白朮炒

橘紅

吳茱萸炒

桂心各一兩

澤瀉二兩

肉果煨

檳榔各五錢

爲末糊丸桐子大每服三錢紫蘇湯送下

金匱腎氣丸

治肺脾腎俱虛遍身腫脹小便不利痰氣喘急非此藥不救

白茯苓四兩

附子炮七錢

川牛膝

肉桂去

澤瀉去皮

車前子

山茱萸去核

山藥

牡丹皮各一兩

熟地黃

四兩酒浸

蜜九桐子大每服四五錢空心白湯下

補中益氣湯

方見類

理中湯

方見

導水茯苓湯

治遍身水腫喘滿小便不通者用此即愈

赤茯苓

麥門冬

去心

澤瀉

白木

各三兩

桑白皮

紫蘇

檳榔

木瓜

各一兩

大腹皮

陳皮

砂仁

木香

各七錢半

右為粗末每服五錢水二鍾燈草

二十五根煎八分服連進三服小水漸利

沉香琥珀丸

治水腫小便閉

琥珀

杏仁

去皮炒

紫蘇

赤茯苓

澤瀉

各五錢

葶藶炒

郁李仁

去皮

沉香

各一兩五錢

陳皮

防己

各七錢五分

為末蜜丸梧子大以麝香為衣每服二錢五分

加至五錢空心入參湯送下

疏鑿飲子

治通身水腫喘呼氣急煩躁多渴大小便不通服熱藥不得者

澤瀉

商陸

赤小豆炒

羌活去蘆

大腹皮

椒目

木通

秦艽去蘆

茯苓皮

檳榔各一錢

水鍾半薑五片煎九分服

敷藥

治腹滿如石或陰囊腫大先用甘草膏後用此

大戟

芫花

甘遂

海藻各等分

為細末用礬醋調麴和藥攤綿紙上覆貼腫處以軟綿裹住

小胃丹

芫花

醋拌一宿瓦器內炒黑不可焦

甘遂

長流水浸半日煮曬乾

大戟

長流水煮兩用水洗曬各五錢

大黃

濕紙裹煨切酒炒一兩五錢

黃蘗

炒三兩

右為細末以白朮膏丸如蘿蔔子大臨卧白湯送下每服

一錢欲利空心服

十棗湯

見傷寒

舟車神佑丸

去一切水濕痰飲如神

甘遂

芫花

大戟

各一兩俱醋炒

大黃

二兩

輕粉

一錢

黑牽牛

頭末四兩

青皮

陳皮

木香

檳榔

各五錢

爲細末水丸椒目大空心服五九日三服宿悶者多服反煩  
滿宜初服二九每服加二九快利爲度戴人每令病者先服  
百餘粒繼以瀟川等藥投之五更當下種種病出輕者一二  
度重者五六度方愈藥雖峻急爲效極神弱者當依河間漸  
次進實者依戴人治之

六聖瀟川散

大黃

煨

牽牛

取頭末

郁李仁

各一兩

木香

三錢

芒硝

三錢

甘遂

五分

評曰諸溼爲土火熱能生溼土故夏熱則溼秋

涼則燥嘗考戴人治法假令肝木乘脾土土不勝木求救於

子已土能生庚金味辛者為金大加生薑使伐肝木然不開  
脾土無由行也先以舟車丸通其閉塞之路瀉其所不勝後  
以薑汁調瀘川散大下之是瀉其所勝也戴人每言導水丸  
必用禹功散繼之舟車丸必以瀘川散繼之

神芎導水丸 治一切因熱積聚

黃芩 一兩

黃連

川芎

薄荷 各五錢 大黃 二兩

滑石

黑丑 頭末各四兩

為末水丸 有血積者加桂五錢

加味枳木湯

治氣為痰飲所隔心下堅脹名曰氣分

枳殼 麩炒

官桂 去皮

紫蘇

陳皮 檳榔

桔梗

白朮 炒

五靈脂 炒

木香 各八分 半夏 薑製

茯苓

甘草 各四分

水二鍾生薑三片煎一鍾服

椒仁丸

治先因經水斷絕後至四肢浮腫小便不通血化為水



椒仁

甘遂

續隨子

去皮研

附子炮

郁李仁

黑牽牛炒

五靈脂研

當歸

吳茱萸

玄胡索

各錢

芫花

醋浸一錢

蜆青

十枚去頭

米炒

藥螯

十枚與蜆青同

胆礬

信砒

各一錢

石膏

二錢

為末糊丸雞腐所用

不多畏而不服有養病害身之患

雞矢醴法

羯鷄矢

八合炒微焦

無灰好酒二碗煎至碗半濾取汁五更熱飲則腹鳴辰巳時行二三次黑水次日足有縐紋又飲一次漸縐至膝上而愈

雞金散

雞裏金

一具焙

真沉香

二錢

砂仁

三錢

陳香櫞

去白五錢

為末每用一錢五分薑湯下虛者參湯

中滿分消丸

治中滿熱脹有寒者忌服

黃芩

去腐炒一兩

黃連

炒五錢

薑黃

白朮

炒

人參

甘草

炙

猪苓

去皮各一錢

白茯苓

去皮

乾生薑

砂仁

各二錢

枳實

炒

半夏

泡名五錢

厚朴

薑炒一兩

知母

炒四錢

澤瀉

陳皮

各三錢

爲末蒸餅丸如桐子大每服百九白湯下

中滿分消湯

治中滿寒脹熱者忌用

黃耆

炒

吳茱萸

炒

厚朴

薑製

草豆蔻

黃檗

各五錢

益智仁

半夏

製

茯苓

木香

升麻

各三錢

人參

青皮

炒

當歸

黃連

炒

澤瀉

生薑

麻黃

不去節

柴胡

乾薑

炒

川烏

華澄茄

各二分

水二鍾煎一鍾服

禹餘糧丸

此方學士朱丹溪聖藥許學士朱丹溪聖藥

蛇含石

大者三兩欬銑盛燒通紅鋪取禹餘糧石三兩

出傾入醋中候冷取出研極細

真針砂

五兩淘淨炒乾用醋二鍾同餘糧錢內煮乾更用錢并藥燒紅傾淨磚地上候冷研極細

羌活

木香

茯苓

川芎

牛膝

酒浸

桂心

白豆蔻

大茴香

炒

蓬朮

炮

附子

炮

乾薑

炮

青皮

京三稜

炮

白蒺藜

當歸

酒浸各五錢

為末入前三味拌勻蒸餅丸如桐子大食前白湯下三十九至五十九前三味非甘遂芫花之比又有各項藥扶持虛人老人亦可服也最忌鹽一毫入口發疾愈其服藥後即於小便內旋去不動臍府每日三服更以溫補藥助之真神方也土狗一名螻蛄消乾為末用上半節即消上身之水下半身即消下身之水左可消左右可消右方士以此為奇神

積聚

靈樞曰喜怒不節則傷藏藏傷則病起于陰也清淫襲虛病起

于下風雨襲虛病起于上

喜怒不節內傷于藏故起于陰清濕襲虛陰邪之在表也故起于下風雨

襲虛陽邪之在表也故起于上

虛邪之中人也始于皮膚腠理開邪從毛髮入

著孫絡之脉往來移行腸胃之間濯濯有音寒則脹滿雷引故

時切痛

孫絡脉之細者有水則濯濯有聲動而得也有寒則雷鳴相引不動亦得也著陽明之經挾

臍而居飽則大飢則小飢胃受水穀故飽著于緩筋飽則痛飢則

安

緩筋在肌肉之間故與陽明之債同

著于腸胃之募原痛而外連于緩筋飽則

安飢則痛

募原者皮膚裏膜外也

著于伏衝之脉揣之應手而動發手則熱

氣下于兩股如湯沃之狀

伏衝即衝脉之在脊者以其最深故曰伏衝其上行者循背裏絡于督脉

其下行者注少陰之大絡

出于氣街循陰股內廉著于臂筋在

腸後者飢則積見飽則不見按之不得

臂筋在脊內故居腸胃之後飢則腸空故積可

見飽則腸滿蔽之故積不可見也

著于輸之脉者閉塞不通津液不下孔竅乾

壅凡諸輸火皆經氣聚會之處所以通血氣若不通則津液乾壅此以上謂風雨襲陰之虛病起于上而積生也

積之始生得寒乃生厥乃成積也厥氣生足挽足挽生脛寒脛寒則血脉凝滯寒氣上入于腸胃則膈脹膈脹則腸外之汁沫迫聚不得散日以成積厥者逆也寒逆于下故生足挽言肢節則陽氣不化故為膈脹腸卒然多食飲則腸滿起居不節用力外汁沫不散則日以成積過度則絡脉傷陽絡傷則血外溢血外溢則衄血陰絡傷則血內溢血內溢則後血腸胃之絡傷則血溢于腸外腸外有寒汁沫與血相搏則并合凝聚不得散而積成矣食傷腸胃汁溢膜食積又或用力傷陰陽之絡以動其血血得寒沫相聚腸外乃成血積貪口腹妄作勞者多有之卒然外中于寒苦內傷于憂怒則氣上逆六輪不通溫氣不行凝血蘊裹而散津液滯滲著而不去而積皆成矣寒邪中于外喜怒傷其輪不逆溫緩之氣不行陰血凝聚血因氣逆而成積此性情乖戾者多有之積之始生節寒氣下逆而成積卒然多食節飲食起居而成積卒然外中節清志外傷挾寒成積合三節而言總是清淫襲陰之虛病起于下而成積也

難經曰積者五藏所生其始發有常處其痛不離其部上下有所終始左右有所窮處聚者六府所成其始發無根本上下無所留止其痛無常處 肝之積名曰肥氣在左脇下如覆杯令人嘔逆或兩脇痛引小腹足寒轉筋 肺之積名曰息賁在右脇下如覆杯氣逆背痛久則喘咳 心之積名曰伏梁起臍上大如臂上至心下久則令人煩心 脾之積名曰痞氣在胃脘大如覆盂痞塞吐泄久則飲食不爲肌膚 腎之積名曰賁豚發于少腹上至心若豚狀上下無時久則喘逆骨痿少氣 癥者按之應手亦如五積之不移 瘕者假物成形如血澀石瘕之類 痞皮厚也在肌肉之間而可見者也 癖者僻也內結于隱僻外不可見也

愚按積之成也正氣不足而後邪氣踞之如小人在朝由君子

之衰也正氣與邪氣勢不兩立若低昂然一勝則一負邪氣日  
昌正氣日削不攻去之喪亡從及矣然攻之太急正氣轉傷初  
中未之三法不可不講也初者病邪初起正氣尙強邪氣尙淺  
則任受攻中者受病漸久邪氣較深正氣較弱任受且攻且補  
未者病魔經久邪氣侵凌正氣消殘則任受補蓋積之爲義曰  
積月累匪朝伊夕所以去之亦當有漸太亟則傷正氣正傷則  
不能運化而邪反固矣余嘗製陰陽二積之劑藥品稍峻用之  
有度補中數日然後攻伐不問其積去多少又與補中待其神  
壯則復攻之屢攻屢補以平爲期此余獨得之訣百發百中者  
也經曰大積大聚其可犯也衰其半而已故去積及半純與甘  
溫調養使脾土健運則破殘之餘積不攻自走必欲攻之無餘  
其不遺人天殃者鮮矣經曰壯者氣行卽愈怯者著而爲病潔

古云壯盛人無積虛人則有之故當養正則邪自除譬如滿座皆君子一二小人自無容身之地雖然此無輕淺者言耳若大積大聚不搜而逐之日進補湯無益也審知何經受病何物成積見之既確發直入之兵以討之何患其不愈兵法云善攻者敵不知其所守是亦醫中之良將也夫

脉候堅强者生虛弱者死細沉附骨者積脉也沉而有力爲積脉沉緊者有寒積脉浮而牢積聚也

### 醫案

襄陽郡守于鑑如在白下時每酒後腹痛漸至堅硬得食輒痛余診之曰脉浮大而長脾有大積矣然兩尺按之軟不可峻攻令服四君子湯七日投以白製攻積丸三錢但微下更以四錢服之下積十餘次皆黑而靛者察其形不倦又進四錢于是腹



大痛而所下甚多服四君子湯十日又進丸藥四錢去積三次  
又進二錢而積下遂至六七碗許脉大而虛按至關部豁如矣  
乃以補中益氣調補一月全愈

親家工部王漢梁鬱怒成痞形堅而痛甚攻下太多遂泄瀉不  
止一晝夜計下一百餘次一月之間肌體骨立神氣昏亂舌不  
能言已治終事待斃而已余診之曰在證雖無活理在脉猶有  
生機以真藏脉不見也舉家喜曰諸醫皆曰必死何法之治而  
可再起耶余曰人虛之候法當大溫大補一面用枯礬龍骨粟  
殼樗根之類以固其腸一面用人參二兩熟附五錢以救其氣  
三日之間服參半劑進附二兩瀉遂減半舌轉能言更以補中  
益氣加生附子乾薑併五貼爲一劑一日飲盡如是者一百日  
精旺食進瀉減十九然每日夜猶下五行兩足痿廢用仙茅

巴戟丁附等爲丸參附湯並進計一百四十日而步履如常痞瀉悉愈向使委信不專有一人參以他說有片語畏多參附安得有再生之日哉詳書之以爲信醫不專者之藥石

社友姚元長之內久患痞積兩年之間凡攻擊之劑無遺用矣而積未盡除形體尪羸余聞之而告其友曰積消其半不可伐已但用補湯元氣一復病崇全祛耳元長信之遂作補丸服畢而痞果全消踰三年調理失宜胸腹痛甚醫者以痛無補法用理氣化痰之藥痛不少衰余診之大而無力此氣虛也投以歸脾湯加人參二錢其痛立止

給諫侯啟東腹中嘈痛余按其左脇手不可近凡飲食到口喉間若有一物接之者然余曰脉大而數腹痛嘔涎面色痿黃此虛而有溼濕熱相兼蟲乃生焉當煎人參湯送檳黃丸以下虫

積虫若不去雖服補湯何益豫瞻先生過畏不敢投終莫能起  
**倒倉法** 肥嫩牡黃牛肉三十觔切小塊去筋膜長流水煮爛  
濾去滓取汁入鍋中慢火熬至琥珀色則成矣先令病人斷慾  
食淡前一日不食夜飯設一室明快而不通風置穢桶瓦盆貯  
吐下之物另一磁盆盛所出之溺病者入室飲汁積至一二十  
杯寒則重湯溫而飲之飲急則吐多飲緩則下多先急後緩吐  
利俱多因病之上下而爲之活法也以去盡病根爲度吐下後  
必渴不得與湯以自出之溺飲之非惟止渴抑且澆濯餘垢倦  
睡覺飢先與稠米湯次與淡稀粥三日後方少與菜羹次與厚  
粥調養一月沉痾悉安以後忌牛肉數年積久形成依附腸胃  
回轉曲竦處自非刮腸剖骨之神可以凡散犯其藩牆乎肉液  
充滿流行有如洪水泛漲浮槎陳朽皆順流而下不可停留凡

屬凝滯一洗而空

新製陰陽攻積丸 治五積六聚七癥八瘕症癖  
血痰食不問陰陽皆妙

吳茱萸 炮 乾薑 炒 官桂 去皮 川烏 炮各一兩 黃連 炒

半夏 洗 橘紅 茯苓 檳榔 厚朴 炒

枳實 炒 菖蒲 忌飲 玄胡索 炒 人參 去蘆 沉香

琥珀 另研 桔梗 各八錢 巴霜 另研五錢 爲細末皂角六兩煎

汁泛爲丸如菉豆大每服八分漸加一錢五分生薑湯送下

千金硝石丸

硝石 六兩 大黃 八兩 人參 甘草 各三兩

爲細末用三年苦酒三升置器中以竹片作準每入一升刻  
一痕先入大黃不住手攪使微沸盡一刻乃下餘藥又盡一  
刻微火熬九梧子大每服三十丸忌風冷宜軟粥將息

肥氣丸 治肝之積在左脇下春夏加黃

柴胡 二兩 黃連 七錢 厚朴 五錢

椒去閉口者

甘草 錢三 廣茂 炮 昆布

人參 錢半 皂角去皮炙

茯苓 錢半 川烏 二分 乾薑

巴霜 分

除茯苓皂角巴豆爲細末另研茯苓皂角爲末和勻方入巴豆蜜丸桐子大初服二丸一日加一丸二日加二丸漸加至大便微澹再從兩丸加服積去大半勿服

息賁丸 治肺之積在右脇下

厚朴 八錢薑炒 黃連 二錢炒一兩 人參 二錢去蘆

乾薑 炮 茯苓 另末

川椒 汗 紫苑 錢五分 桂枝

桔梗 京三稜 炮

天門冬 陳皮 川烏 炮

白豆蔻 錢各一 青皮 分

巴霜 四分 丸法服法俱同肥氣丸

伏梁丸 治心之積起臍上

黃連 一兩五錢

人參

厚朴 薑製各五錢

黃芩 三錢 肉桂

茯苓

丹參 炒各一錢

川烏 炮

乾薑 炮

紅豆

葛蒲

巴豆霜 各五分

丸服法同肥氣丸

痞氣丸 治脾之積在胃脘

厚朴

薑炒五錢

黃連 八錢

吳茱萸 炮三錢

黃芩

白朮 各二錢

茵陳

酒炒

砂仁

乾薑

炒各一錢五分

茯苓 另末

人參

澤瀉

各一錢

川烏 炮

川椒

各五分

巴霜 另研

桂 各四分

丸服法同肥氣丸

奔豚丸 治腎之積發于小腹上至心下

厚朴

薑製七錢

黃連 炒五錢

苦楝子

酒煮三錢

茯苓 另末

澤瀉

菖蒲

各一錢

玄胡索 一錢五分

附子

全蝎

獨活 各一錢

烏頭地

丁香各五分

巴霜四分

肉桂二分

丸服法同肥氣丸

秋冬另加厚朴五錢

三聖膏

石灰

極細炒紅

用好醋熬成膏入大黃木一兩宮桂末五錢攪勻瓦器封貯紙攤烘煖貼患處

補中益氣湯

方見類中風

四君子湯

歸脾湯

十全大補湯

二方俱見虛勝

酒積

輕者葛根神麴黃連白豆蔻甚者用甘遂牽牛

氣積

輕者木香枳殼厚朴橘紅甚者枳實牽牛

血積

輕者乾漆桃仁牡丹歸尾赤芍藥紅花甚者大黃蜜蠟水蛭穿山甲花蕊石

痰積

輕者半夏瓜蒌甚者懷痰丸老痰海石瓦楞子痰在皮裏噴外白芥子

水積

輕者五苓散甚者商陸甘遂芫花

茶積

輕者薑黃芝蔴甚者茱萸椒薑

癖積

輕者三棱蓬朮甚者巴霜大黃

穀積

輕者麥芽穀芽神麴砂仁甚者鷄裏金

肉積

輕者山查阿魏甚者礪砂硝石

蛋積

白豆蔻橘紅豆豉薑汁

菜積

丁香肉桂麝香

麵積

蘿蔔子薑酒煎

魚鼈積

紫蘇橘皮木香薑汁治馬尿

狗肉積

杏仁山查

蟲積

雄黃錫灰檳榔雷丸蕪荑樞子使君子

瘧積

鼈甲草果

反喟噎塞

噎塞者食不得入是有火也反胃者食入反出是無火也

內經曰三陽結謂之膈三陽者大腸小腸膀胱也結者結熱也

不通必反上行此所以噎食不下縱下而後出也

反胃噎塞



黃帝針經云胃病者膈咽不通飲食不下咽者嚥物之門戶膈者心肺之分野不通者濁氣在上腎肝吸入之陰氣愚按反胃噎膈總是血液衰耗不得下而反在上也病在于胃胃脘乾槁槁在上者水飲可行食物難入名曰噎塞槁在下者食雖可入良久復出名曰反胃二證總名為膈故內經止有三陽結謂之膈一語潔舌分吐證為三端上焦吐者皆從于氣食則暴吐中焦吐者皆從于積或先吐而痛或先痛而吐下焦吐者皆從于寒朝食暮吐暮食朝吐巢氏浪分五噎十膈支派頗多惑人滋甚惟張雞峰以為神思問病法當內觀靜養斯言深中病情大抵氣血虧損復因悲思憂恚則脾胃受傷血液漸耗鬱氣生痰痰則塞而不通氣則上而不下妨得道路飲食難進噎塞所由成也脾胃虛傷運行失職不能熟腐五穀變化精微朝食暮吐暮食朝吐食雖入胃復反而出反胃所由成也二者

皆在膈間受病故通名爲膈也噎塞之吐卽潔古之上焦吐反胃之吐卽潔古之下焦吐王太僕云食不得入是有火也食入反出是無火也噎塞大都屬熱反胃大都屬寒然不可拘也脉大有力當作熱治脉小無力當作寒醫色之黃白而枯者爲虛寒色之紅赤而澤者爲實熱以脉合證以色合脉庶乎無誤經曰能合色脉可以萬全此證之所以疑難者方欲健脾理痰恐燥劑有妨于津液方欲養血生津恐潤劑有碍于中州審其陰陽火旺者當以養血爲亟脾傷陰盛者當以溫補爲先更有憂恙盤礴火鬱閉結神不大衰脉猶有力當以倉公河間之法下之小小湯丸累累加用關膈自透膈間痰盛微微涌出因而治下藥勢易行設或不行蜜鹽下導始終勾引自然宣通此皆虛實陰陽之辨臨證之權衡也或泥于金匱局方偏主辛溫或泥

于玉机心法偏主清潤若是者皆賴病合法耳豈云法治病乎  
死證年滿六旬者難治稟厚善守禁忌尊信醫藥亦有生者糞如羊屎者不治  
口吐白沫者不治 胸腹嘈痛如刀割者死

脉候緊而滑者吐逆 小弱而濇者反胃或沉緩無力或大而  
弱爲氣虛 數而無力或濇小爲血虛 弦爲痰 滑爲痰  
寸緊尺濇胸滿不能食而吐 難經曰脉革則吐逆

### 醫案

邑宰張孟端夫人憂怒之餘得食輒噎胸中隱隱痛余診之曰  
脉緊且滑痰在上脘用二陳加薑汁竹瀝長公伯元曰半夏燥  
乎余曰溼痰滿中非此不治遂用四劑病尙不減改大半夏湯  
服四貼胸痛乃止又四貼而噎亦減服二十劑而安若泥半夏  
爲燥而以他藥代之故能愈乎惟痰不盛形不肥者不宜與也

江右太學方春和年近六旬多慾善怒患噎三月日進粉飲一鍾腐漿半鍾且吐其半六脉細軟此虛寒之候也用理中湯加人乳薑汁白蜜半夏一劑便減十劑而口進糜粥更以十全大補加竹瀝薑汁四十貼諸症皆愈

南都徐奉誠膈噎不通渣質之物不能下咽惟用人乳醋酒數杯吐沫不已求治於余余曰口吐白沫法在不治脉猶未敗姑冀萬一用人參黃耆當歸白朮陳皮桃仁牛乳白蜜薑汁連進十劑白沫漸少倍用參朮三月全安

嘉定錢遠之二十五歲以鼓盆之戚悲哀過度不能食飯又十餘日粥亦不能食隨食隨吐二便閉澀自謂必死求余診余曰脉按有力非死證也以酒蒸大黃加桃仁當歸砂仁陳皮蜜丸與服凡五服而下燥屎乾血甚多病若失數日之間能食倍常

大半夏湯 治肥人痰盛胃反嘔吐

半夏湯洗五錢 人參 三錢 白蜜 三錢

水三鍾和蜜揚之二百四十遍煎至八分服

香砂寬中湯 治氣滯胸痞胃寒噎塞

木香磨 白朮炒 陳皮 香附各一錢半 白豆蔻

砂仁 青皮 檳榔 半夏炒

茯苓各一錢 厚朴薑製一錢二分 甘草 三分

水二鍾薑三片煎一杯入蜜少許食前服

補氣運脾丸 治脾虛噎塞

人參 二錢 白朮 三錢 橘紅 茯苓各一錢五分

黃耆一錢 砂仁八分 甘草四分 半夏一錢無痰去之

水二鍾薑三片棗一枚煎一鍾食遠服

滋血潤腸湯 治血枯及死血在膈大便秘結

當歸 酒洗三錢 芍藥 煨 生地黃 各一錢五分 紅花 酒洗

桃仁 去皮炒 大黃 酒煨 枳殼 炒各一錢

水鍾半煎七分入韭汁半酒鍾食前服

人參利膈丸 治血少便燥膈氣之聖藥也

木香 檳榔 各七錢半 人參 當歸 酒洗 藿香

甘草 枳實 炒各一兩 大黃 酒蒸 厚朴 黃製各二兩

為末水為丸桐子大每服三錢白湯下

丁沉透膈湯 治虛寒嘔吐噎塞不通

白朮 三錢炒 香附 炒 砂仁 人參 各一錢 丁香

麥蘖 木香 肉果 白豆蔻 青皮 各五分

沉香 厚朴 薑製 藿香 陳皮 各七分半 甘草 炙錢五分

半夏湯洗七次

神麴炒

草果各二分半

水二鍾薑三片東  
一枚煎八分服

秦川剪紅丸

治蟲血成膈氣

雄黃別研

木香各五分

檳榔

三陵煨

蓬朮煨

貫仲去毛

乾漆炒烟盡

陳皮各一兩

大黃一兩五錢

爲末麵糊丸桐子大每服五十丸米飲下

四生丸 治一切結熱

北大黃去皮酒潤一兩

黑丑淨取頭角用一兩芒硝五錢

爲末水丸梧子大每服二三十九白湯下

昆布丸 治噎塞妨礙飲食不下

昆布洗出鹹水

麥門冬去心

天門冬去心訶梨勒各一兩五錢

木通

大黃微炒

朴硝

郁李仁去皮尖炒

桂心

百合各一兩

羚羊角

杏仁去皮尖炒蘇子炒

射干錢各五

柴胡

陳皮去白

檳榔各一分

爲末蜜丸桐子大每服三十丸薑湯下

柿餅

煨一錢灰存性酒服

白水牛喉

碗去兩頭節并筋漢節節取下米醋一

甘蔗汁

碗二薑汁碗一每服一碗日三服即不吐

驢尿熱服半鍾日服二次便不吐

雄猪脂烘乾爲末每服三錢酒下

猫胞一具烘乾爲末水調服即效

干葉白槿花

陰乾爲末老米湯調送一錢日服三四次頗有效

蘆根

五兩水二杯煎一杯溫服時時呷之尤效

杵頭糠

布包時時拭齒另煎湯時時呷之效

補中益氣湯

見類理中湯見傷寒中風



凡反胃證得藥而愈者切不可便與粥飯惟以人參五錢陳皮  
二錢老黃米一兩作湯細啜旬日之後方可食粥倉廩未固  
不宜便進米穀常致不救

### 瘧疾

黃帝曰瘧瘧皆生于風其畜作有時者何也凡瘧皆名瘧昔人伏也作岐伯對曰瘧之始發也先起于毫毛仲欠乃作寒慄鼓者發也頷腰脊俱痛寒去則內外皆熱頭痛如破渴欲冷飲起于毫毛者發也堅也仲欠陰陽上下交爭虛實更作陰陽相移也陽盛則外熱陰盛則內寒邪入於陰則陰實陽虛邪入於陽則陽實陰虛故虛實更作者陰陽相移易也陽并于陰則陰實而陽虛陽明虛則寒慄鼓頷也巨陽虛則腰背頭頂痛三陽俱虛則陰氣勝骨寒而痛寒生于內故中外皆寒陽盛則外熱陰虛則內熱外內皆熱則喘而渴故欲冷飲也皆得之夏

傷于暑熱氣盛藏于皮膚之內腸胃之外此營氣之所舍也令人汗空疎腠理開因得秋氣汗出遇風及得之以浴水氣舍于皮膚之內與衛氣并居陽暑傷氣其證多汗感而即發邪不能貪涼不避風寒或浴涼水或食生冷壯者邪不能干怯者舍于營衛但外感于寒者多為瘧內傷于冷者多為痢也衛氣者日行于陽夜行于陰此氣得陽而外出得陰而內薄內外相薄是以日作其氣之舍深內薄于陰陽氣獨發陰邪內著陰與陽爭不得出是以間日而作也其氣之舍深則邪在藏矣在府者其行速在藏者其行遲故間日而作也邪氣客于風府循脊而下衛氣一日一夜大會于風府曰下一節故其作也晏此先客于腰背也每至于風府則腠理開邪氣入則病作以此日作稍益寔也其出于風府日下一節二十五日下至胝骨二十六日入于脊內注于伏膂之內項脊三十一節共二十四節邪氣自風府日下一節二十五日下其至尾胝復自後而前故二十六日入于脊內以注伏膂之脉其

氣上行九日出于缺盆之中其氣日高故作曰益蚤也邪在伏

而上無開節之阻故九日而出缺盆其氣邪氣內薄于五藏橫

日高則自陰就陽其邪日退故作漸蚤也連募原其道遠其氣深其行遲不能與衛氣俱行不得皆出故

間日乃作也此重申上文夏傷于暑其汗大出腠理開發因淒

滄之水寒藏于皮膚之中秋傷于風則病成矣水寒者浴水乘涼也因暑受寒

汗不得出寒邪先伏于皮膚得秋風而病發矣夫寒者陰氣也風者陽氣也先傷于寒

而後傷于風故先寒而後熱也病以時作名曰寒瘧先傷于風

而後傷于寒故先熱而後寒也亦以時作名曰溫瘧但熱而不

寒者陰氣先絕陽氣獨發則少氣煩冤手足熱而欲嘔名曰瘧

瘧○其間二日者邪氣與衛氣客于六府而有時相失不能相

得故休數日乃作也客猶會也邪在六府則氣遠會希故間二

酉日爲少陰瘧寅申巳亥爲厥陰瘧辰戌丑未爲太陰瘧非矣子午雖曰少陰而卯酉則陽明矣巳亥雖曰少陰而寅申則少

陽矣丑未雖曰太陰而辰戌則太陽矣三日發者猶可以此爲言四日作者又將何以辨之殊屬牽強按此施治未必無誤不訓也爲帝曰夏傷于暑秋必病瘧今瘧不必應者何也岐伯曰此應四時者也其病異形者反四時也秋瘧應四時者也春夏皆能秋病者寒甚冬病者寒不甚陽氣伏于內也春病者惡風夏病者多汗○溫瘧者得之冬中于風寒傷寒門氣藏于骨髓至春則陽氣大發邪氣不能自出因遇大暑腠理開肌肉消腠理發泄或有所用力邪氣與汗皆出此病藏于腎其氣先自內出之于外也如是者陰虛而陽盛陽盛則熱矣衰則氣復返入入則陽虛陽虛則寒矣故先熱而後寒瘧瘧者肺素有熱氣盛于身厥逆上衝中氣實而不外泄有所用力腠理開風寒舍于皮膚之內分肉之間而發發則陽氣盛其氣不及于陰故但熱而不寒愚按經言夏傷于暑秋爲瘧瘧又言瘧瘧皆生于風又言風寒

之氣不常又言汗出遇風及得之以浴此皆以風寒暑濕爲言也語溫瘧則曰風寒中腎語瘧瘧則曰肺素有熱夫冬寒既可入中腎則心肝脾肺四藏獨無令氣之邪可以入客乎肺熱既可以入瘧則肝脾心腎之氣鬱而爲熱者獨不可以成瘧乎然語六氣者道其常語五藏者盡其變也須知風與暑陽邪也寒與水陰邪也風者陽中之涼氣也暑者熱中之寒邪也由是則四者皆屬于寒夫夏傷於暑汗出腠開當風浴水淒滄之寒伏于皮膚及遇秋風新涼束之表邪不能外越陰欲入而陽拒之陽欲出而陰遏之陰陽相薄而瘧作矣淺者病在三陽隨衛氣以爲出入而一日一作深者病在三陰邪氣不能與衛氣竝出或間日或三四日而作作愈遲者病愈深也經之論瘧無漏義矣而仁齋丹溪又分瘵與食飲與血瘵與勞與此此不過瘵之

兼證耳非因而成瘧者也故治瘧者察其邪之淺深證之陰陽  
令其自藏而府散而越之邪去則安古法有汗欲其無汗養正  
爲先無汗欲其有汗散邪爲急然邪在陽者取汗易邪在陰者  
取汗難必使由陰而陽由晏而早乃得之又熱多者涼藥爲  
君寒多者溫藥爲主至于痰食血飲瘴勞與牝之七證各隨其  
甚者而兼理之世俗又有鬼瘧之名此爲時行疫氣投平胃散  
無不截者總之脉實證實者攻邪以治標脉虛證虛者補正以  
治本久瘧必虛惟人參生薑各一兩連投二服于未發之前莫  
不應手取效貧困者白朮可代血虧者當歸可代近世不明表  
裏虛實輒用知母石膏芩連梔栝若表未解而得此寒涼則寒  
邪愈固或用常山草果巴豆砒雄若正已虛而得此剋伐則元  
氣轉虛故夫綿延不已者皆醫之罪耳豈病之咎耶

發散瘧疾多因風寒暑濕天之邪氣所傷當分經絡而發汗其  
七情痰食水血皆兼見之候隨證治之

風瘧惡寒自汗煩躁頭疼必先熱後寒宜柴胡蘇葉細辛白芷  
羌活生薑之類

溫瘧受冬月之寒復因暑風而發亦先熱後寒如熱多者

寒多者

小柴胡湯加桂

寒瘧納涼之風寒沐浴之水寒先受于腠中復因秋風涼肅而  
發先寒後熱宜羌活紫蘇生薑之類散其太陽之邪次用柴胡  
湯近來不問何經但用柴胡者非也

瘧瘧肺素有熱陰氣先絕陽氣獨發少氣煩冤手足熱而嘔此  
但熱而不寒盛暑發者

人參白虎湯

秋涼發者

小柴胡湯

淫瘧汗出澡浴或冒雨或溼襲其證身體重而痛嘔逆脹滿

胃

湯加羌活紫蘇

此瘧陽氣素虛當盛暑時乘涼飲冷陰盛陽虛故但寒而不熱

也柴胡黃桂湯

食瘧或肥甘無度或生冷受傷食滯痰生其證飢而不能食食則脹滿嘔吐腹痛青皮草果豆蔻砂仁神麴山查之類

瘧瘧嶺南地方天氣炎山氣溼多有嵐瘴之毒發時迷悶甚則

狂妄亦有不能言者皆由血瘀於心涎聚於脾須疎通大府散

或小柴胡加大黃木香

勞瘧或素有弱證或因瘧成癆十全大補湯有熱者去桂

瘧母治之失宜營衛虧損邪伏肝經脇下有塊此證當以補虛

為主每見急攻塊者多致不救六君子湯加木香肉桂蓬朮龜甲

鬼瘧俗以夜發為鬼瘧非也邪入陰分發於六陰四物湯加知母紅花升麻



胡提起陽分方可截之惟時行不正之氣真鬼瘧也平胃散加  
連黃桃仁  
截瘧法瘧發四五遍後曾經發散者方可截之何首烏散常  
久  
瘧大虛者人參一兩生薑  
一兩連進三服若病邪初起未經發散遽用酸收切  
止之劑必致綿延難愈或變成他證不可不謹也  
脉候瘧脉自弦 弦數多熱 弦遲多寒 弦而浮大可吐之  
微則爲虛 代散者死

### 醫案

太史楊方壺瘧發間日脉見弦緊兩發後苦不可支且不能忌  
口便懇截之余曰邪未盡而強截之未必獲效即使截住必變  
他證不若治法得所一二劑間令其自止升麻柴胡各二錢提  
陽氣上升使遠於陰而寒可止黃芩知母各一錢五分引陰氣  
下降使遠於陽而熱自已以生薑三錢劫邪歸正甘草五分和

其陰陽一劑而減半再劑而竟止矣

新安程武修患瘧每日一發自己午時起直至次日寅卯而熱退不踰一時則又發矣已及一月困頓哀苦命兩郎君叩首無算以求速愈余曰頭痛惡寒脉浮而大表證方張此非失汗必誤截也武修云寒家素有截瘧丸百發百中弟服之病勢增劇何也余曰邪未解而劇止之邪不能伏請以八劑四日服盡決效耳石膏黃芩各三錢抑揚明之熱使其退就太陰白豆蔻三錢生薑五錢救太陰之寒使其退就陽明脾胃爲夫妻使之和合則無陰陽乖亂之愆半夏檳榔各一錢五分去胸中之痰蘇葉二錢發越太陽之邪乾葛一錢斷入陽明之路甫三劑而瘧止改用小柴胡倍人參服四劑補中益氣服十劑而瘧

相國沈銘績丙辰秋患瘧吐衄悶不思食六脉沉細余曰瘧傷

太陰中寒虻動也用理中湯加烏梅三個黃連五分進四劑後  
 胸中豁然寒熱亦減虻亦不吐去黃連加黃耆二錢生薑五錢  
 五劑而瘥止以手書謝云早年攻苦卽有寒中之患醫者但明  
 疎氣不解扶陽積困於今雖當盛暑寒冷忌不沾唇尚且瘥發  
 虻動爲性命憂幸老年侄隔垣之咏一七回春豈弟超邁庸儔  
 直當上叅和扁嗣此有生詎非慈造鑄之焦府與日偕長矣

清脾飲 治瘧疾脈來弦數或但熱不寒或熱多寒少口苦咽乾小更赤澀

青皮 炒 厚朴 薑製 白朮 炒黃 黃芩 草果 各入

柴胡 茯苓 半夏 錢各半 甘草 五分

水一鍾生薑五片煎一鍾服 近來不問虛實藥用此湯過矣

白虎加桂枝湯 治但熱不寒及有汗者

知母 一錢五分 桂枝 五分 甘草 五分 粳米 一錢 石膏 五錢

水鍾半煎八分服

參蘇飲

方見傷風

小柴胡湯

方見傷寒補中益氣湯

方見類涼膈散

理中湯

方見傷寒

十全大補湯

六君子湯

方見虛損

香薷飲

方見中暑

二木柴葛湯

諸瘧必用

白朮

炒焦

蒼朮

炒

柴胡

陳皮

各七分

甘草

四分

水鍾半生薑五片煎八分服

一日一發及午前發邪在陽

分加枯芩茯苓半夏熱甚口渴加石膏知母麥門冬間日或

三四日發或午後及夜發者邪在陰分加四物湯酒炒黃耆

紅花提起陽分方可截之脉虛神倦加人參黃耆傷食加神

麴麥芽山查黃連枳實多加生薑半夏要截加檳榔常山烏梅

常山飲

治瘧疾在胸用此吐之若用砒霜之類即使瘧愈脾胃受傷須用此湯為穩

常山

酒炒

水二鍾煎一鍾空心服

苦酒浸一宿多炒透熱即不吐

露薑飲 治痰瘡寒瘡

生薑 四兩 連皮搗汁一碗露一宿空心服

交加雙解飲子 治瘴瘡神效

肉豆蔻 二大枚 草豆蔻 二枚 厚朴 五錢 甘草 四錢 生薑 四錢

水二鍾煎一鍾空心服 五藥俱一半生一半熟

瘡母丸 元氣不甚虛者宜此

青皮 桃仁 紅花 麥芽 各二兩 鼈甲 四兩 醋炙

海粉 香附 三稜 蓬朮 各一兩半

九味俱用醋煮神麴糊丸如桐子大每服三錢薑湯送下

祛瘡飲 三發後可用因其衰而減之立效

知母 去毛酒炒五錢 貝母 去心九分 柴胡 去蘆七分 檳榔 八分 陳皮 去白

山查肉 枳實 各一錢半 甘草 去皮炙二分 紫蘇 一錢

水二鍾煎一鍾渣用水二鍾煎八分俱露一宿臨發日五更服頭煎未發前一時服二煎

截瘧飲 虛人久瘧不止此極見效

黃耆

酒炙 二錢

人參

白朮

炒

茯苓

各一錢半

甘草 六分

砂仁

草果

橘紅

各一錢

五味子

八分

烏梅 三枚

水二鍾生薑十大片棗二枚煎一鍾服

何首烏忌鐵爲末酒調下三錢臨發先服

或煎湯服

獨蒜十二枚熟

桃仁

一百粒去皮尖炒

搗爛入黃丹丸如棗豆大每服

九丸發日五更面東酒送下

桃仁一味研爛不犯水加黃丹丸五月五日合

常山末二錢

酒浸炒透

烏梅肉

四枚

研爛爲丸此截瘧必效之方

世俗畏常山發吐不知其有神功但炒透卽不吐耳

生懸甲不見湯醋炙黃為末烏梅肉為丸每服三錢必效

痢疾經名腸澼  
古稱澼下

帝曰腸澼便血何如岐伯曰身熱則死寒則生腸中下痢曰澼  
便血者赤痢

也陽勝陰衰則身熱故死帝曰腸澼下白沫何如岐伯曰脉沉

營氣未傷則身不熱故生白沫者白痢也病屬陰而見陰脉為順故沉則

則生脉浮則死生陽脉為逆故浮則死有屬熱者不拘此例

帝曰腸澼下膿血何如岐伯曰脉懸絕則死滑大則生膿血者  
赤白兼

下也懸絕者脉至如絲懸懸欲絕也邪帝曰身不熱脉不懸絕

實正虛故死滑因血盛氣未傷故生

何如岐伯曰滑大者曰生懸澼者曰死以藏期之身不熱脉不  
懸絕皆非死

候也若不滑而澼不大而小仍死證也故滑大為生澼小為死

也以藏期之者肝見庚辛死心見壬癸死肺見丙丁死脾見甲

乙死腎見戊己死也

愚按痢之為證多本脾腎脾司倉廩土為萬物之母腎主蟄藏

水為萬物之元二藏皆根本之地投治少差寃沉幽冥究其疵

誤皆寒熱未明虛實不辨也晚近不足論卽在前賢頗有偏僻如局方與復庵例行辛熱河間與丹溪專用苦寒何其執而不圓相去天壤耶夫痢起夏秋溼蒸熱鬱本乎天也因熱求涼過吞生冷由於人也氣壯而傷於天者鬱熱居多氣弱而傷於人者陰寒爲甚溼土寄旺四時或從於火則陽土有餘而溼熱爲病經所謂墩阜是也或從於水則陰土不足而寒溼爲病經所謂卑監是也言熱者遺寒言寒者廢熱豈非立言之過乎至以赤爲熱白爲寒亦非確論果爾則赤白相兼者豈真寒熱同病乎必以見證與色脉辨之而後寒熱不淆也須知寒者必虛熱者必實更以虛實細詳之而寒熱愈明耳脹滿惡食急痛懼按者實也煩渴引飲喜冷畏熱者熱也脉強而實者實也脉數而滑者熱也外此則靡非虛寒矣而相似之際尤當審察如以口



渴爲實熱似矣不知凡係瀉痢必亡津液液亡於下則津涸於上安得不渴更當以喜熱喜冷分虛實也以腹痛爲實熱似矣不知痢出於藏腸胃必傷膿血剝膚安得不痛更當以痛之緩急按之可否藏之陰陽腹之脹與不脹脉之有力無力分虛實也以小便之黃赤短少爲實熱似矣不知水從痢去洩必不長液以陰亡溺因色變更當以便之熱與不熱液之涸與不涸色之澤與不澤分虛實也以裏急後重爲實熱似矣不知氣陷則倉廩不藏陰亡則門戶不閉更當以病之新久質之強弱脉之盛衰分虛實也至於治法須求何邪所傷何藏受病如因於溼熱者去其溼熱因於積滯者去其積滯因於氣者調之因於血者和之新感而實者可以通因通用久病而虛者可以塞因塞用是皆常法無待言矣獨怪世之病痢者十有九虛而醫之治

痢者百無一補氣本下陷而再行其氣後重不益甚乎中本虛  
衰而復攻其積元氣不愈竭乎濕熱傷血者自宜調血若過行  
推蕩血不轉傷乎津亡作渴者自宜止泄若但與滲利津不轉  
耗乎世有庸工專守痛無補法且曰直待痛止方可補耳不知  
因虛而痛者愈攻則愈虛愈痛矣此皆本末未明但據現在者  
爲有形之疾病不思可慮者在無形之元氣也請以宜補之證  
悉言之脉來微弱者可補形色虛薄者可補疾後而痢者可補  
因攻而劇者可補然而尤有至要者則在脾腎兩臟如先瀉而  
後痢者脾傳腎爲賊邪難療先痢而後瀉者腎傳脾爲微邪易  
醫是知在脾者病淺在腎者病深腎爲胃關開竅於二陰未有  
久痢而腎不損者故治痢不知補腎非其治也凡四君歸脾十  
全補中皆補脾虛未嘗不善若病在火衰土位無母設非桂附

大補命門以復腎中之陽以救脾家之母飲食何由進門戶何由固真元何由復若畏熱不前僅以參朮補土多致不起傷哉積分新舊舊積者淫熱食痰也法當下之新積者下後又生者也或調或補不可輕攻若因虛而痢者雖舊積亦不可下但用異功散虛回而痢自止丹溪有先用參朮補完胃氣而後下者亦一妙法也虛者宜之

色黑有二焦黑者熱極反兼勝已之化芍藥湯黑如漆之光者瘀

血也桃仁承氣湯

裏急裏急而不得便者火也重者承氣湯裏急頻見汚衣者虛

也補中益氣湯去當歸加肉果

後重邪迫而後重者至固稍減未幾復甚芍藥湯虛滑而後重者

固後不減以得解愈虛故也真人養心湯下後仍後重者當甘草緩

之升麻舉之

虛坐努責虛坐而不得大便血虛故裏急宜歸身地黃芍藥陳皮之屬

噤口食不得入到口即吐有邪在上膈火氣冲逆者黃連木香

茯苓有胃虛嘔逆者湯中有陽氣不足宿食未消者理中湯

木香有肝氣嘔吐者木香黃連吳茱萸有水飲停聚者輕者五

豆蔻有積穢在下惡氣薰蒸者承氣石蓮為末陳米湯調下石

甘遂有積穢在下惡氣薰蒸者承氣石蓮為末陳米湯調下石

即是蓮子之老者市丹溪用人參黃連煎濃加薑汁細細呷之

如吐再吃但得一呷下咽便開

休息痢屢止屢發久不愈者名曰休息多因兜澁太早積熱未

清香連丸加參木有調理失宜者隨證治之有虛滑甚者椿根

白皮東引者水浸一日去黃皮每兩配入參一兩煨木香二錢

粳米三錢煎湯飲之或大斷下丸

腹痛因肺金之氣鬱在大腸之間宜結梗開之白芍藥甘草陳

皮木香當歸為主惡寒加乾薑惡熱加黃連

肛門痛熱留於下宜槐花木香挾寒者湯理中

蟯蟲刺其形極細九蟲之一也胃弱腸虛則蟯蟲乘之或痒或

從穀道中溢出雄黃銳散方見傷寒內服桃仁槐子蕪荑

死證下純血者死如屋漏水者死大孔如竹筒者死唇

若塗硃者死發熱不休者死色如魚腦或如猪肝者皆半

生半死脉細皮寒氣少泄利前後飲食不入是謂五虛死惟

用參附十可救一

脉候沉小微細者吉洪大滑數者死仲景云沉弦者重脉大

者爲未止微弱者爲欲自止雖發熱不死

醫案

屯院孫瀟湘夫人下痢四十日口乾發熱飲食不進腹中脹悶完穀不化尙有謂其邪熱不殺穀者計服香連枳殼薏苡厚朴等三十餘劑絕穀五日命在須臾迎余診之脉大而數按之豁然詢得腹痛而喜手按小便清利此火衰不能生土內真寒而外假熱也亟煎附子理中湯冰冷與服一劑而痛止六劑而熱退食進兼服八味丸二十餘日霍然起矣

淮安郡侯許同生令愛痢疾腹痛脉微而軟余曰此氣虛不能運化精微其竊迫後重者乃下陷耳用升陽散火湯一劑繼用補中益氣湯十劑卽愈

文學顧偉男之內痢疾一月諸藥無功余診之曰氣血兩虛但當大補痢家藥品一切停廢以十全大補連投十劑兼進補中

益氣加薑桂二十餘劑而安

兵尊張綱菴秋間患痢凡香連枳朴等劑用之兩月而病不衰  
余診之滑而有力失下之故也用香連歸芍陳皮枳殼加大黃  
三錢下穢物頗多診其脉尚有力仍用前方出積滯如魚腸者  
約數碗調理十餘日而痊

撫臺毛孺初痢如魚腦腸鳴切痛開食則嘔所服皆苓連木香  
菖蒲霍香橘紅芍藥而已後有進四君子湯者疑而未果飛艇  
相招兼夜而往診得脉雖洪大按之無力候至右尺倍覺濡軟  
余曰命門火衰不能生土亟須參附可以回陽孺翁曰但用參  
朮可愈否余曰若無參附雖進參朮無益於病且脾土大虛虛  
則補母非補火乎遂用人參五錢熟附一錢半炮薑一錢白朮  
三錢連進三劑吐止食粥再以補中益氣加薑附十四劑而安

大黃湯 治膿血稠粘裏急後重腹痛脉實

錦紋大黃 一兩 好酒二鍾浸半日煎至鍾半去渣分二次服

芍藥湯 經日洩而便膿血知氣行而血止也

芍藥 一錢 當歸 黃連 黃芩 各八分 大黃 一錢

桂枝 五分 甘草 炒 檳榔 各四分 木香 五分

水二鍾煎一鍾服痢不減漸加大黃

白朮黃芩湯 服前藥痢雖除更宜調和

白朮 三錢 黃芩 二錢 甘草 錢一水鍾半薑三片煎八分服

承氣湯 見傷 藿香正氣散 見中 蘇合香丸 見中

黃連丸

乾薑 炮 黃連 炒 砂仁 炒 川芎 阿膠 蛤粉

白朮 各一兩 乳香 另研 枳殼 炒 五錢



為末鹽梅三個取肉少入醋丸如桐子大每服二錢食前服

蒼术地榆湯 治脾經受溼下血痢

蒼术六錢 地榆二錢 水二鍾煎一鍾服

鬱金散 治熱毒痢下血不止

真鬱金 槐花炒各五錢 甘草炙二錢半

右為細末每服二錢食前豆豉湯調下

芍藥黃芩湯

黃芩 芍藥各二錢 甘草 水鍾半煎八分服

香連丸

黃連二十兩吳茱萸十兩水 木香四兩八分

右為細末醋糊丸桐子大每服三錢空心米湯送下

導氣湯

木香

檳榔

黃連

各六分

大黃

黃芩

各一錢半

枳殼

炒一錢

芍藥

六錢

當歸

五錢

分二服水二鍾煎一鍾食前服

真人養藏湯 治虛寒痢疾久而不愈

白芍藥

木香

各一錢

人參

白朮

炒

當歸

各六分

訶子肉

二錢

肉果

五錢

粟殼

蜜炙三分

甘草

炙

肉桂

各八分

水二鍾煎一鍾食前溫服

理中湯

見傷寒

治中湯

即理中湯加

陳皮青皮

補中益氣湯

異功散

四君子湯

十全大補湯

歸脾湯

俱見虛癆

倉廩湯

治噤口痢乃熱毒冲心

人參

茯苓

甘草

炙

前胡

川芎

羌活

獨活

桔梗

柴胡

枳殼

陳倉米各八分 水二鍾生薑三片煎一鍾服

訶黎勒丸 治休息痢

檮白皮二兩 訶子五錢 母丁香三十粒

為末糊丸梧子大每服三錢陳米湯入醋少許送下日三服

蕪荑丸 治久痢及下部有虫

蕪荑炒 黃連各二兩 蜥蛇胆五錢

為末蜜丸桐子大每服二錢食前杏仁湯下

瓜蘗散 治五色痢久不愈

瓜蘗一枚黃色者炭火煨存性蓋地上一宿出火毒 右研細末作一服溫酒調下

大斷下丸 治藏寒久痢

高良薑一兩五錢 乾薑炮一兩五錢 細辛一兩五錢 龍骨研 枯礬

赤石脂 肉豆蔻麵煨 訶子肉各一兩 牡蠣煨一兩 附子製一兩

石榴皮醋浸沙黃右為細末醋糊丸桐子大每服三錢米湯下

泄瀉

經曰春傷於風夏生飧泄邪氣留連乃為洞泄肝應於春屬木肝受邪也木旺則賊土夏令助其溼氣則生飧泄風春傷於風木利溼也邪氣久而不去脾土太虛水來侮之則食糜不熟而為洞泄利溼也者又曰清氣在下則生飧泄清氣在下則生飧泄清氣在下則生飧泄又曰溼勝則濡泄土強制水溼邪不干腸胃又曰暴注下迫皆屬於熱暴注者卒暴注泄也腸胃有熱傳化失常火性疾速故如是也下迫者後重裏急也火性急速而能燥物故也諸病水液澄澈清冷皆屬於寒水穀不化澄澈清冷皆得寒水以漸成故曰暴泄非陰久泄非陽也愚按內經之論泄瀉或言風或言溼或言熱或言寒此明四氣皆能為泄也又言清氣在下則生飧泄此明脾虛下陷之泄也

統而論之脾土强者自能勝濕無濕則不泄故曰濕多成五泄

若土虛不能制濕則風寒與熱皆得干之而爲病治法有九一  
曰淡滲使濕從小便而去如農人治澇導其下流雖處卑澗不  
憂巨浸經云治濕不利小便非其治也又云在下者引而竭之  
是也一曰升提氣屬於陽性本上升胃氣注迫輒爾下陷升柴  
羌葛之類鼓舞胃氣上騰則注下自止又如地上淖澤風之卽  
乾故風藥多燥且溼爲土病風爲木藥木可勝土風亦勝溼所  
謂下者舉之是也一曰清涼熱淫所至暴注下迫苦寒諸劑用  
滌燂蒸猶當溽暑伊鬱之時而商飈颯然候動則炎歊如失矣  
所謂熱者清之是也一曰疎利痰凝氣滯食積水停皆令人瀉  
隨證祛逐勿使稽留經云實者瀉之又云通因通用是也一曰  
甘緩瀉利不已急而下趨愈趨愈下泄何由止甘能緩中善禁  
急速且稼穡作甘甘爲土味所謂急者緩之是也一曰酸收瀉

下有口則氣散而不收無能統攝注泄何時而已酸之一味能助收肅之權經云散者收之是也一日燥脾土德無惡水邪不濫故瀉皆成於土溼溼皆本於脾虛倉廩得職水穀善分虛而不培濕淫轉甚經云虛者補之是也一日溫腎腎主二便封藏之本況腎屬水真陽寓焉少火生氣火爲土母此火一衰何以運行三焦熱腐五穀乎故積虛者必挾寒脾虛者必補腎經云寒者溫之是也一日固澁注泄日久幽門道滑雖投溫補未克奏功須行澁劑則變化不愆揆度合節所謂滑者澁之是也夫是九者治瀉之大法業無遺蘊至如先後緩急之權豈能豫設須臨證之頃圓機靈變可以胥天下於壽域矣

難經五泄胃泄飲食不化色黃

承氣湯

脾泄腹脹滿泄注食卽嘔

吐

建中湯

大腸泄食已窘迫大便色白腸鳴切痛

乾薑附子湯

小腸

泄洩而便膿血少腹痛承氣湯大瘕泄裏急後重數至圊而不能

便莖中痛承氣湯

腎泄五更溏洩久而不愈是腎虛失閉藏之職也五味子散亦有食

積者香砂枳木丸寒積理中湯宜服酒積葛花解酲湯

鷺泄中寒糟粕不化色如鴨糞澄澈清冷小便清白附子理中湯

殞泄水穀不化而完出也史記名風邪於胃木來賊土清氣在

下升陽除濕湯

洞泄一名濡泄瀉下多水也胃苓湯水液去多甚而轉筋血傷故筋急

也升陽除濕湯

痰泄痰留於肺大腸不固脉必弦滑以藥探吐其人神必不瘳

色必不衰或二陳湯加蒼朮木香

火泄腹痛瀉水腸鳴痛一陣瀉一陣火也黃芩芍藥湯張長沙謂之

協熱自利

直腸泄食方入口而卽下極爲難治

大斷下丸

脉候胃脉虛則泄

脉滑按之虛者必下利

腎脉小甚爲洞

泄肺脉小甚爲泄

泄脉洪大者逆

下利日十餘行脉反

實者死

腹鳴而滿四肢清泄其脉大者十五日死

腹大脹

四末清脫形泄甚不及一時死

下則泄瀉上則吐痰皆不已

爲上下俱脫死

醫案

大宗伯董玄宰夏初水泄完穀不化曾服胃苓湯及四君子湯不效余曰經云春傷於風夏生殭泄謂完穀也用升陽除溼湯加人參二錢三劑頓止

太司寇姚岱芝吐痰泄瀉見食則惡面色痿黃神情困倦自秋



及春無劑弗投經久不愈比余診之口不能言亟以補中益氣  
去當歸加肉果二錢熟附一錢炮薑一錢半夏二錢人參四錢  
日進二劑四日而瀉止但痰不減耳余曰腎虛水泛為痰非八  
味丸不可應與補中湯並進凡四十日服人參一觔飲食大進  
痰亦不吐又半月而酬對如常矣

胃苓湯

一名對金飲子即五苓散平胃散二方  
合用也治暑濕停飲泄瀉小便不利

蒼朮

製一錢五分厚朴

製

陳皮

各一錢

甘草

五分

白朮

八分

茯苓

一錢二分

澤瀉

一錢

肉桂

三分

猪苓

一錢

水

二鍾

薑三片

棗二枚

煎八分服

薤苓湯

治夏月暑瀉欲成痢疾

香薷

一錢五分

黃連

薑汁炒

厚朴

薑汁炒

扁豆

炒各一錢

猪苓

澤瀉

各三錢二分

白朮

炒

茯苓

各八分

甘草

五分

水二鍾薑三片煎八分服

六一散

一名益元散治傷暑水渴

加紅麴名青六九加藜末名溫六九

滑石

水飛六兩

甘草末

新汲水調服

戊巳丸

黃連

酒炒四兩

白芍藥

三兩炮炒二錢

為末神麴和丸桐子大米飲送二錢

升陽除濕湯

治受風濕泄及虛弱不思食少便黃赤四肢困倦

蒼朮

一錢

柴胡

羌活

防風

神麴

澤瀉

猪苓

陳皮

麥蘖

甘草

炙各三分

升麻

五分

水鍾半薑三片煎七分服

漿水散

治暴瀉如水一身盡冷汗出脉弱氣小不能言甚者嘔吐此為急病

半夏

二兩製

良薑

乾薑

肉桂

甘草

炙

附子

炮各五錢

右爲細末每服四錢水二鍾煎一鍾服

連理湯

卽理中湯加黃連茯苓

人參

白朮

各一錢五分

乾薑

二錢

甘草

炙五分

茯苓

一錢五分

黃連

炒一錢

水二杯煎一杯食遠服

茱萸斷下丸

治藏府虛寒腹痛泄瀉大效

吳茱萸

炒二兩

赤石脂

各一兩

乾薑

各一兩五錢

艾葉

炒

縮砂仁

肉豆蔻

附子

製各一兩

爲末麵糊丸每服三錢米飲送下

大斷下丸

方見痢疾

固腸丸

檮皮

醋炙四兩

滑石

二兩水飛

爲末粥丸此丸性燥滯氣未盡者勿服

補中益氣湯

四君子湯

六君子湯

異功散

見虛癆

承氣湯

理中湯

見傷寒

金匱腎氣丸

見腫脹

八味丸

見虛癆

四神丸

治脾腎虛寒大便不實飲食不思

肉果

通爛二兩

補骨脂

四兩

五味子

二兩

吳茱萸

浸炒一兩

右爲末生薑八兩紅棗一百枚煮熟取棗肉去皮和丸如桐

子大每服四錢空心米飲下

葛花解醒湯

治酒傷吐瀉

青皮

三錢

木香

五分

橘紅

人參

猪苓

去皮

茯苓

各一錢五分

神麴

炒

澤瀉

乾薑

炒

白朮

各二錢

白豆蔻

葛花

砂仁

各五錢

右爲細末每服三錢白湯調服得汗卽愈

枳朮丸

消食止瀉

枳實

去瓢炒一兩

白朮

二兩土炒

右爲末荷葉裹燒飯爲丸如桐子大每服三錢白湯下用白  
朮者令胃強不復傷也加木香砂仁各一兩名香砂枳朮丸